

新輯  
宋本

傷寒論

北京鋼鐵工業學校  
圖書館藏

重慶市中醫學會編註

重慶市中醫學會編註

新輯  
宋本

傷寒論

重慶人民出版社

重慶市中醫學會

## 宋刻傷寒論序

夫傷寒論。蓋祖述大聖人之意。諸家莫其倫擬。故晉皇甫謐序甲乙鍼經云。伊尹以元聖之才。撰用神農本草。以爲湯液。漢張仲景論廣湯液。爲數十卷。用之多驗。近世太醫令王叔和。撰次仲景遺論甚精。皆可施用。是仲景本伊尹之法。伊尹本神農之經。得不謂祖述大聖人之意乎。張仲景。漢書無傳。見名醫錄云。南陽人。名機。仲景乃其字也。舉孝廉。官至長沙太守。始受術於同郡張伯祖。時人言。識用精微過其師。所著論。其言精而奧。其法簡而詳。非淺聞寡見者所能及。自仲景于今八百餘年。惟王叔和能學之。其間如葛洪陶景胡洽徐之才孫思邈輩(一)。非不才也。但各自名家。而不能修明之。開寶中。節度使高繼沖。曾編錄進上。其文理舛錯。未嘗考正。歷代雖藏之書府。亦闕於讎校。是使治病之流。舉天下無或知者。國家詔孺臣。校正醫書。臣奇續被其選。以爲百病之急。無急於傷寒。今先校定張仲景傷寒論十卷。總二十二篇。證外合三百九十七法。除複重。定有一百一十二方。今請頒行。太子右贊善大夫臣高保衡。尙書屯田員

外郎臣孫奇。尙書司封郎中祕閣校理臣林億等謹上。

校釋

〔一〕陶景，疑卽陶弘景之闕文。

## 內容說明

目前傷寒論的通行本有兩種：一是金成無己的注本，即「註解傷寒論」，一是宋鑄治平（一〇六五）本，即高保衡等的原校本，前者以明嘉靖間汪濟明的刊本爲善，後者原刻已不可得，現在僅存有明趙開美氏的覆刻本。總之，宋金時的原刻傷寒論已不易見，所能看到的都是明刻本，但兩者相較，成氏註解本，已滲進了許多的己見，又經展轉翻刻，出入尤多；高校本雖是趙氏覆刊，而趙氏是依照原書複製的，可能逼真於治平面目，因此我們決定把它採用了。

趙開美氏覆製治平本的面目是這樣的，全書共分十卷：第一卷：辨脈法第一，平脈法第二。第二卷：傷寒例、辨瘧溼喝病脈證、辨太陽病脈證並治上。第三卷：辨太陽病脈證並治中。第四卷：辨太陽病脈證並治下。第五卷：辨陽明病脈證並治、辨少陽病脈證並治。第六卷：辨太陰病脈證並治、辨少陰病脈證並治、辨厥陰病脈證並治。第七卷：辨霍亂病脈證並治、辨陰陽易差病脈證並治、辨不可發汗病脈證並治、辨可發汗病脈證並治。第八卷：辨發汗後病脈證並治、辨不可吐、辨可吐。第九卷：辨不可下病脈證並治、辨可下病脈證並治。第十卷：辨發汗吐下後病脈證並治。凡二十四篇。

不過，「辨脈」「平脈」兩篇，辭句既多不類「太陽」諸篇文字，義理亦概爲鑿空臆說。「瘧淫暍」篇，已被搜入「金匱」，「不可發汗」以下諸篇，絕大多數條文，都是「太陽」等篇的複出（太陽以下各篇，篇首均列若干法條，仍爲正文的重複出），所以註家從方中行以後，都割棄不談了。茲仍錄其自「太陽病脈證」至「陰陽易差」十篇，輯成本冊，供學習之用。

同時，我們又將金匱玉函經（卽傷寒論的別本）、千金要方、千金翼方、外臺祕要、註解傷寒論、仲景全書及其他幾種主要註本相互校閱，除將各條文依次編列番號外，文字辭句方面有出入的地方和有難讀難解的音義等，均作了一定的校讎與音釋，校釋處旁註符號，備列於每篇的末頁，以備檢查（條文中偶有夾注，均係原刻），這些工作雖然還作得不够仔細，但對於初學傷寒論的同志們是有一定幫助的。

### 重慶市中醫學會

## 張仲景原序

論曰。余每覽越人入虢之診。望齊侯之色。未嘗不慨然歎其才秀也。怪當今居世之士。曾不留神醫藥。精究方術。上以療君親之疾。下以救貧賤之厄。中以保身長全。以養其生。但競逐榮勢。企踵權豪。孜孜汲汲。惟名利是務。崇飾其末。忽棄其本。華其外而悴其內。皮之不存。毛將安附焉。卒然遭邪風之氣。嬰非常之疾。患及禍至。而方震慄。降志屈節。欽望巫祝。告窮歸天。束手受敗。賫百年之壽命。持至貴之重器。委付凡醫。恣其所措。咄嗟嗚呼。厥身已斃。神明消滅。變爲異物。幽潛重泉。徒爲啼泣。痛夫。舉世昏迷。莫能覺悟。不惜其命。若是輕生。彼何榮勢之云哉。而進不能愛人知人。退不能愛身知己。遇災值禍。身居厄地。蒙蒙昧昧。蠢若遊魂。哀乎。趨世之士。馳競浮華。不固根本。忘軀徇物。危若冰谷。至於是也。余宗族素多。向餘二百。建安紀年以來。猶未十稔。其死亡者。三分有二。傷寒十居其七。感往昔之淪喪。傷橫夭之莫救。乃勤求古訓。博采衆方。撰用素問九卷。八十一難。陰陽大論。胎臚藥錄。並平脈辨

證。爲傷寒雜病論合十六卷。雖未能盡愈諸病。庶可以見病知源。若能尋余所集。思過半矣。夫天布五行。以運萬類。人稟五常。以有五藏。經絡府俞。陰陽會通。玄冥幽微。變化難極。自非才高識妙。豈能探其理致哉。上古有神農黃帝岐伯伯高雷公少俞少師仲文。中世有長桑扁鵲。漢有公乘陽慶及倉公。下此以往。未之聞也。觀今之醫。不念思求經旨。以演其所知。各承家技。始終順舊。省疾問病。務在口給。相對斯須。便處湯藥。按寸不及尺。握手不及足。人迎跌陽。三部不參。動數發息。不滿五十。短期未知決診。九候曾無髣髴。明堂闕庭。盡不見察。所謂窺管而已。夫欲視死別生。實爲難矣。孔子云。生而知之者上。學則亞之。多聞博識。知之次也。余宿尙方術。請事斯語。



總目

辨太陽病脈證並治上（起第一條迄三十條）	（一）
辨太陽病脈證並治中（起三十一條迄一百二十七條）	（一四）
辨太陽病脈證並治下（起一百二十八條迄一百七十八條）	（四四）
辨陽明病脈證並治（起一百七十九條迄二百六十二條）	（六七）
辨少陽病脈證並治（起二百六十三條迄二百七十二條）	（八九）
辨太陰病脈證並治（起二百七十三條迄二百八十條）	（九一）
辨少陰病脈證並治（起二百八十一條迄二百二十五條）	（九四）
辨厥陰病脈證並治（起三百二十六條迄三百八十一條）	（一〇七）
辨霍亂病脈證並治（起三百八十二條迄三百九十一條）	（一二一）
辨陰陽易差後勞復病脈證並治（起三百九十二條迄三百九十八條）	（一三五）

# 方藥目次

## 辨太陽病脈證並治上

桂枝湯	二	白虎加人參湯	七
桂枝加葛根湯	三	桂枝二越婢一湯	八
桂枝加附子湯	四	桂枝去桂加茯苓白朮湯	九
桂枝去芍藥湯	五	甘草乾薑湯	九
桂枝去芍藥加附子湯	五	芍藥甘草湯	一〇
桂枝麻黃各半湯	六	調胃承氣湯	一〇
桂枝二麻黃一湯	七	四逆湯	一〇
辨太陽病脈證並治中			
葛根湯	一四	葛根黃芩黃連湯	一五
葛根加半夏湯	一四	麻黃湯	一五

小柴胡湯·····	一六	五苓散·····	三三
大青龍湯·····	一六	茯苓甘草湯·····	三六
小青龍湯·····	一七	梔子豉湯·····	三六
桂枝湯〔覆出方〕·····	一八	梔子甘草豉湯·····	三七
桂枝加厚朴杏子湯·····	一八	梔子生薑豉湯·····	三七
乾薑附子湯·····	三	梔子厚朴湯·····	三七
桂枝加芍藥生薑各一兩人參三兩新加湯·····	三	梔子乾薑湯·····	三六
麻黃杏仁甘草石膏湯·····	三	眞武湯·····	三六
桂枝甘草湯·····	三	四逆湯〔覆出方〕·····	三六
茯苓桂枝甘草大棗湯·····	三三	小柴胡湯〔覆出方〕·····	三三
厚朴生薑半夏甘草人參湯·····	三三	小建中湯·····	三三
茯苓桂枝白朮甘草湯·····	三三	大柴胡湯·····	三三
芍藥甘草附子湯·····	三三	柴胡加芒消湯·····	三三
茯苓四逆湯·····	三三	桃核承氣湯·····	三三
調胃承氣湯〔覆出方〕·····	三三	柴胡加龍骨牡蠣湯·····	三三

桂枝去芍藥加蜀漆牡蠣龍骨救逆湯……………三

抵當湯……………三

桂枝加桂湯……………三七

抵當丸……………三

桂枝甘草龍骨牡蠣湯……………三七

辨太陽病脈證並治下

大陷胸丸……………四

半夏瀉心湯……………五

大陷胸湯……………四

十棗湯……………五

大柴胡湯〔複出方〕……………四

大黃黃連瀉心湯……………五

小陷胸湯……………四

附子瀉心湯……………五

文蛤散……………四

生薑瀉心湯……………五

五苓散〔複出方〕……………四

甘草瀉心湯……………五

白散方……………四

赤石脂禹餘糧湯……………五

小柴胡湯〔複出方〕……………四

旋復代赭湯……………五

柴胡桂枝湯……………四

麻黃杏子甘草石膏湯〔複出方〕……………五

柴胡桂枝乾薑湯……………五

桂枝人參湯……………五

瓜蒌散	七〇	桂枝附子湯	六〇
白虎加人參湯〔覆出方〕	七〇	去桂加白朮湯	六〇
黃芩湯	七〇	甘草附子湯	六〇
黃芩加半夏生薑湯	七〇	白虎湯	六〇
黃連湯	七〇	炙甘草湯	六〇

辨陽明病脈證並治

調胃承氣湯〔覆出方〕	七〇	小柴胡湯〔覆出方〕	六六
大承氣湯	七一	麻黃湯〔覆出方〕	七一
小承氣湯	七一	蜜煎方	七一
白虎湯〔覆出方〕	七二	桂枝湯〔覆出方〕	六六
梔子豉湯〔覆出方〕	七二	茵陳蒿湯	六六
白虎加人參湯〔覆出方〕	七二	抵當湯〔覆出方〕	六六
豬苓湯	七三	吳茱萸湯	六六
四逆湯〔覆出方〕	七三	五苓散〔覆出方〕	六六

麻子仁丸..... 二  
梔子蘘皮湯..... 三

麻黃連翹赤小豆湯..... 四

### 辨少陽病脈證並治

小柴胡湯〔覆出方〕..... 五

### 辨太陰病脈證並治

桂枝湯〔覆出方〕..... 六

桂枝加大黃湯..... 七

桂枝加芍藥湯..... 八

### 辨少陰病脈證並治

麻黃細辛附子湯..... 九

桃花湯..... 十

麻黃附子甘草湯..... 十

吳茱萸湯〔覆出方〕..... 十一

黃連阿膠湯..... 十一

豬膚湯..... 十二

附子湯..... 十二

甘草湯..... 十三

桔梗湯	.....	九	通脈四逆湯	.....	一〇一
苦酒湯	.....	九	四逆散	.....	一〇三
半夏散及湯	.....	一〇〇	猪苓湯〔複出方〕	.....	一〇一
白通湯	.....	一〇〇	大承氣湯〔複出方〕	.....	一〇三
白通加猪膽汁湯	.....	一〇〇	四逆湯〔複出方〕	.....	一〇三
真武湯〔複出方〕	.....	一〇一			

辨厥陰病脈證並治

烏梅丸	.....	一〇六	麻黃升麻湯	.....	一三三
白虎湯〔複出方〕	.....	一〇〇	乾薑黃芩黃連人參湯	.....	一三三
當歸四逆湯	.....	一〇〇	通脈四逆湯〔複出方〕	.....	一三四
當歸四逆加吳茱萸生薑湯	.....	一一一	白頭翁湯	.....	一一五
四逆湯〔複出方〕	.....	一一一	桂枝湯〔複出方〕	.....	一一五
瓜蒂散〔複出方〕	.....	一一二	小承氣湯〔複出方〕	.....	一一六
茯苓甘草湯〔複出方〕	.....	一一二	梔子豉湯〔複出方〕	.....	一一六

吳茱萸湯〔複出方〕……………二七

小柴胡湯〔複出方〕……………二七

### 辨霍亂病脈證並治

四逆加人參湯……………二三

桂枝湯〔複出方〕……………二三

五苓散〔複出方〕……………二三

四逆湯〔複出方〕……………二三

理中丸……………二三

通脈四逆加豬膽汁湯……………二三

### 辨陰陽易差後勞復病脈證並治

燒禪散……………二五

牡蠣澤瀉散……………二天

枳實梔子豉湯……………二五

理中丸〔複出方〕……………二天

小柴胡湯〔複出方〕……………二六

竹葉石膏湯……………二七



輯印明趙開美翻刻宋板傷寒論

漢 張仲景述

晉 王叔和撰次

宋 林億校正

明 趙開美校刻

沈琳同校

辨太陽病脈證並治上

一 太陽之爲病。脈浮。頭項強〔二〕痛。而惡寒。

二 太陽病。發熱汗出。惡〔三〕風脈緩者。名爲中〔三〕風。

三 太陽病。或已發熱。或未發熱。必惡寒。體痛嘔逆。脈陰陽俱緊者。名爲

傷寒。

四 傷寒一日。太陽受之。脈若靜者。爲不傳。頗欲吐。若躁煩。脈數〔四〕急

者。爲傳也。

五 傷寒二三日。陽明少陽證不見者。爲不傳也。

六 太陽病。發熱而渴。不惡寒者。爲溫病。若發汗已〔五〕。身灼熱者。名風溫。風溫爲病。脈陰陽俱浮。自汗出。身重。多眠睡。鼻〔六〕息必鼾。語言難出。若被下者。小便不利。直視失溲。若被火者。微發黃色。劇則如驚癇時癩瘖〔七〕。若火熏之。一逆尙引日。再逆促命期。

七 病有發熱惡寒者。發於陽也。無熱惡寒者。發於陰也。發於陽〔八〕。七日愈。發於陰〔九〕。六日愈。以陽數七陰數六故也。

八 太陽病。頭痛至七日以上自愈者。以行其經盡故也。若欲作再經者。針足陽明。使經不傳則愈。

九 太陽病。欲解時。從巳至未上。

一〇 風家。表解而不了了者。十二日愈。

一一 病人身大熱。反欲得〔二〕衣者。熱在皮膚。寒在骨髓也。身大寒。反不欲近衣者。寒在皮膚。熱在骨髓也。

一二 太陽中風。陽浮而陰弱。陽浮者。熱自發。陰弱者。汗自出。畜畜惡寒。淅淅惡風。翁翁〔二〕發熱。鼻鳴乾嘔者。桂枝湯主之。方一。

桂枝 三兩 去皮。

芍藥 三兩

甘草 二兩 炙。

生薑 三兩 切。

大棗 十二枚 擘。

右五味。㕮咀〔三〕三味〔三〕。以水七升。微火煮取三升。去滓。適寒温。服一升。服已須臾。歔〔四〕熱稀粥一升餘。以助藥力。温覆令一時許。遍身漉漉。微似有汗者益佳。不可令如水流離。病必不除。若一服汗出病差。停後服。不必盡劑。若不汗。更服依前法。又不汗。後服小促其間。半日許令三服盡。若病重者。一日一夜服。周時觀之。服一劑盡。病證猶在者。更作服。若汗不出。乃服至二三劑。禁生冷粘滑肉麵五辛酒酪臭惡等物。

一三 太陽病。頭痛發熱。汗出惡風。桂枝湯主之。方二。用前第一方。

一四 太陽病。項背強几几〔五〕。反汗出惡風者。桂枝加葛根湯主之。方三。

葛根 四兩

麻黃 三兩 去節。

芍藥 二兩

生薑 三兩 切。

甘草 二兩 炙。

大棗 十二枚 擘。

桂枝 二兩 去皮。

右七味。以水一斗。先煮麻黃葛根。減二升。去上沫。內〔六〕諸藥。煮

取三升。去滓。溫服一升。覆取微似汗。不須啜粥。餘如桂枝法將息及

禁忌。

臣億等謹按仲景本論。太陽中風自汗用桂枝。傷寒無汗用麻黃。今證云汗出惡風。而方中有麻黃。恐非本意也。第三卷有葛根湯證云。無汗惡風。正與此方同。是合用麻

黃也。此云桂枝加葛根湯。恐是桂枝中但加葛根耳。〔二七〕

一五 太陽病。下之後。其氣上衝者。可與桂枝湯。方用前法。若不上衝者。不得與之。四。

一六 太陽病三日。已發汗。若吐。若下。若溫針。仍不解者。此爲壞病。桂枝不中與之也。觀其脈證。知犯何逆。隨證治之。桂枝〔二〕本爲解肌。若其人脈浮緊。發熱汗不出者。不可與之也。常須識此勿令誤也。五。

一七 若酒客病。不可與桂枝湯。得之則嘔。以酒客不喜甘故也。

一八 喘家作桂枝湯。加厚朴杏子佳。六。

一九 凡服桂枝湯吐者。其後必吐膿血也。

二〇 太陽病。發汗遂漏不止。其人惡風小便難。四肢微急。難以屈伸者。桂枝加附子湯主之。方七。

桂枝三兩。去皮。

芍藥三兩。

甘草三兩。〔二〕

生薑三兩。切。

大棗十二枚。

附子

一枚。炮。去皮。破八片。去。

右六味。以水七升。煮取三升。去滓。温服一升。本云。桂枝湯。今加

附子。將息如前法。

二 太陽病。下之後。脈促胸滿者。桂枝去芍藥湯主之。方八。促。一作縱。

桂枝三兩。去皮。

甘草二兩。炙。

生薑三兩。切。

大棗十二枚。

右四味。以水七升。煮取三升。去滓。温服一升。本云。桂枝湯。今去

芍藥。將息如前法。

二 若微寒者。〔三〕桂枝去芍藥加附子湯主之。方九。

桂枝三兩。去皮。

甘草二兩。炙。

生薑三兩。切。

大棗十二枚。

附子一枚。炮。去皮。破八片。

右五味。以水七升。煮取三升。去滓。温服一升。本云。桂枝湯。今去

芍藥。加附子。將息如前法。

二三

太陽病。得之八九日。如瘧狀。發熱惡寒。熱多寒少。其人不嘔。清便欲自可。一日二三度發。脈微緩者。為欲愈也。脈微而惡寒者。此陰陽俱虛。不可更發汗更下更吐也。面色反有熱色者。未欲解也。以其不能得小汗出。身必痒。宜桂枝麻黃各半湯。方十。

桂枝

一兩十六銖。去皮。

芍藥

生薑

甘草

麻黃

各一兩。去節。

大棗

四枚。擘。

杏仁

二十四枚。湯浸去皮尖及兩仁者。

右七味。以水五升。先煮麻黃一二沸。去上沫。內諸藥。煮取一升八合。

去滓。溫服六合。本云。桂枝湯三合。麻黃湯三合。併為六合。頓服。

將息如上法。

臣億等謹按桂枝湯方。桂枝芍藥生薑各三兩。甘草二兩。大棗十二枚。麻黃湯方。麻黃三兩。桂枝二兩。甘草一兩。杏仁七十箇。今以算法約之。二湯

各取三分之一。即得桂枝一兩十六銖。芍藥生薑甘草各一兩。大棗四枚。杏仁二十三箇。零三分枚之一。收之得二十四箇。合方。詳此方。乃三分之一。非各半也。宜云合半湯。

二四

太陽病。初服桂枝湯。反煩不解者。先刺風池風府。却與桂枝湯則愈。十

一。用前第一方

二五

服桂枝湯。大汗出。脈洪大者。與桂枝湯。如前法。若形似瘧。一日再發者。汗出必解。宜桂枝二麻黃一湯。方十二。

桂枝一兩十七銖。去皮。

芍藥一兩六銖。

麻黃十六銖。去節。

生薑一兩六銖。切。

杏仁十六箇。去皮尖。

甘草一兩二銖。炙。

大棗五枚。擘。

右七味。以水五升。先煮麻黃一二沸。去上沫。內諸藥。煮取二升。去滓。溫

服一升。日再服。本云。桂枝湯二分。麻黃湯一分。合爲二升。分再服。今合

爲一方。將息如前法。臣億等謹按桂枝湯方。桂枝芍藥生薑各三兩。甘草二兩。大棗十二枚。麻黃湯方。麻黃三兩。桂枝二兩。甘草一兩。杏仁七十箇。今

以算法約之。桂枝湯取十二分之五。即得桂枝芍藥生薑各一兩六銖。甘草二十銖。大棗五枚。麻黃湯取九分之二。即得麻黃十六銖。桂枝十銖三分銖之二。收之得十一銖。甘草五銖三分銖之一。收之得六銖。杏仁十五箇九分枚之四。收之得十六箇。二湯所取相合。即共得桂枝一兩十七銖。麻黃十六銖。生薑芍藥各一兩六銖。甘草一兩二銖。大棗五枚。杏仁十六箇。合方。

二六

服桂枝湯。大汗出後。大煩渴不解。脈洪大者。白虎加人參湯主之。方十

三。

知母 六兩

石膏 一斤。碎。

甘草 炙。二兩。

粳米 六合

人參 三兩

右五味。以水一斗。煮米熟。湯成去滓。溫服一升。日三服。〔三〕

太陽病。發熱惡寒。熱多寒少。脈微弱者。此無陽也。不可發汗。宜桂枝

二越婢一湯。方十四。

桂枝 去皮

芍藥

麻黃

甘草 各十八銖。

大棗 四枚。

生薑 切。

一兩二銖。

石膏

二十四銖。碎。搗。

右七味。以水五升。煮麻黃一二沸。去上沫。內諸藥。煮取二升。去滓。溫服

一升。本云。當裁為越婢湯桂枝湯。合之飲一升。今合為一方。桂枝湯二分

越婢湯一分。

臣億等謹按桂枝湯方。桂枝芍藥生薑各三兩。甘草二兩。大棗十二枚。越婢湯方。麻黃二兩。生薑三兩。甘草二兩。石膏半斤。大棗十五枚。今以算法約

之。桂枝湯取四分之一。即得桂枝芍藥生薑各十八銖。甘草十二銖。大棗三枚。越婢湯取八分之一。即得麻黃十八銖。生薑九銖。甘草六銖。石膏二十四銖。大棗一枚八分之七。乘之。二湯所取相合。

即共得桂枝芍藥甘草麻黃各十八銖。生薑一兩三銖。石膏二十四銖。大棗四枚。合方。舊云。桂枝三。今取四分之一。即當云桂枝二也。越婢湯方。見仲景雜方中。外臺秘要。一云。起脾湯。



二八 服桂枝湯。或下之。仍頭項強痛。翕翕發熱。無汗。心下滿微痛。小便不利者。桂枝去桂加茯苓白朮湯主之。方十五。

芍藥

三兩

甘草

二兩

生薑

切

白朮

茯苓

各三兩

大棗

十二枚

右六味。以水八升。煮取三升。去滓。溫服一升。小便利則愈。本云。桂枝湯。今去桂枝。加茯苓白朮。

二九 傷寒脈浮。自汗出。小便數。心煩。微惡寒。腳攣急。反與桂枝(三)欲攻其表。此誤也。得之便厥。咽中乾。煩躁吐逆者。作甘草乾薑湯與之。以復其陽。若厥愈足溫者。更作芍藥甘草湯與之。其脚卽伸。若胃氣不和讞語者。少與調胃承氣湯。若重發汗。復加燒針者。四逆湯主之。方十六。

甘草乾薑湯方

甘草

四兩

乾薑

(三)二兩

右二味。以水三升。煮取一升五合。去滓。分溫再服。

芍藥甘草湯方

白〔四〕芍藥 甘草各四兩

右二味。以水三升。煮取一升五合。去滓。分溫再服。

調胃承氣湯方

大黃四兩。去皮。〔五〕 甘草二兩 芒消半升

右三味。以水三升。煮取一升。去滓。內芒消。更上火微煮令沸。少少溫服之。

四逆湯方

甘草二兩 乾薑一兩半 附子一枚。生用。去皮。破八片。去

右三味。以水三升。煮取一升二合。去滓。分溫再服。強人可大附子一枚。乾薑三兩。

三〇 問曰。證象陽且「天」。按法治之而增劇。厥逆。咽「毛」中乾。兩脛拘急而  
識語。師曰。「二」言夜半手足當溫。兩脚當伸。後如師言。何以知此。答  
曰。寸口脈浮而大。浮爲風。大爲虛。風則生微熱。虛則兩脛攣。病形象  
桂枝。因加附子參其間。增桂令汗出。附子溫經。亡陽故也。厥逆咽中  
乾。煩躁。陽明內結。識語煩亂。更飲甘草乾薑湯。夜半陽氣還。兩足當  
熱。脛尙微拘急。重與芍藥甘草湯。爾乃脛伸。以承氣湯微瀉。則止其識  
語。故知病可愈。

### 校釋

- 〔一〕強，其兩切，強上聲。  
〔二〕惡，烏故切，汗去聲。以下惡風惡寒字均同。  
〔三〕中，直衆切，讀如仲。以下中風、中寒字均同。  
〔四〕數，所六切，讀如縮。以下脈數、小便數等字均同。  
〔五〕「若發汗已」句以下，成無已本析爲別條。  
〔六〕成本「息」字上無鼻字。  
〔七〕痲癢，玉函經爲「掣縱發作」。

【八】成本「陽」字下有者字。

【九】成本「陰」字下有者字。

【一〇】「得」字下，成本有「近」字。

【一一】「翕，希揖切，讀如吸，翕翕，盛貌。」

【一二】「咬，扶武切，讀如虎，咀，讀如居，咬咀，碎藥成粗塊之意，卽今之「咀片」。李杲云：

「咬咀古制，以口咬細也」。

【一三】成本無「三味」二字。

【一四】「歡，昌悅切，音啜，飲也。」

【一五】「几几，音殊殊，成註云：「仲頸之貌也。」

【一六】內，音納，義亦同。以下仿此。

【一七】成無己本和金匱玉函經，本方都沒有麻黃，因此，林億的意見，是有相當根據的。芍藥二兩，

在「可發汗」篇作三兩，桂枝二兩，玉函經及仲景全書均作三兩，水一斗，玉函經作九升。

【一八】桂枝句起，玉函經及成本均析爲兩條。

【一九】玉函經甘草作二兩。

【二〇】成本與桂枝去芍藥湯合爲一條，並作「若微惡寒者」。

【二一】外臺祕要云：「右五味，切，以水一斗二升，煮米熟，去米，內諸藥，煮取六升，去滓，

溫服一升，日三。」與此相較，本方煮服法似有脫文。

【二二】成無己本，桂枝下有「湯」字。

【二三】成無己本乾薑下有「炮」字。

〔二四〕玉函經芍藥上無「白」字。

〔二五〕陽明篇大黃下無去皮二字。

〔二六〕陽旦，卽桂枝湯的別名，金匱產後門陽旦湯原註云：「卽桂枝湯」。

〔二七〕咽，乙見切，音宴，卽咽頭。

〔二八〕玉函經作師言，無「日」字。

辨太陽病脈證並治中

三 太陽病。項背強几几。無汗惡風。〔二〕葛根湯主之。方一。

葛根 四兩

麻黃 三兩  
去節。

桂枝 二兩  
去皮。

生薑 三兩  
切。

甘草 二兩  
炙。

芍藥 二兩

大棗 十二枚  
擘。

右七味。以水一斗。先煮麻黃葛根。減二升。去白沫。〔三〕內諸藥。煮取三升。去滓。溫服一升。覆取微似汗。餘如桂枝法將息及禁忌。諸湯皆倣此。

三一 太陽與陽明合病者。必自下利。葛根湯主之。方二。用前第一方。一云。用後第四方。

三三 太陽與陽明合病。不下利但嘔者。葛根加半夏湯主之。方三。

葛根 四兩

麻黃 三兩  
去節。

甘草 二兩  
炙。

芍藥 二兩

桂枝 二兩  
去皮。

生薑 二兩  
切。

半夏 半升  
洗。

大棗 十二枚  
擘。

右八味。以水一斗。先煮葛根麻黃。減二升。去白沫。〔四〕內諸藥。煮取三升。去滓。溫服一升。覆取微似汗。

三四 太陽病。桂枝證。醫反下之。利遂不止。脈促者。表未解也。喘而汗出者。葛根黃芩黃連湯主之。方四。促一作縱

葛根半斤

甘草二兩

黃芩三兩〔五〕

黃連三兩

右四味。以水八升。先煮葛根。減二升。內諸藥。煮取二升。去滓。分溫再服。

三五 太陽病頭痛發熱。身疼腰痛。骨節疼痛。惡風無汗而喘者。麻黃湯主之。方五。

麻黃三兩

桂枝二兩

甘草一兩

杏仁七十箇

右四味。以水九升。先煮麻黃。減二升。去上沫。內諸藥。煮取二升半。去滓。溫服八合。覆取微似汗。不須啜粥。餘如桂枝法將息。

三六 太陽與陽明合病。喘而胸滿者。不可下。宜麻黃湯。六。用前第  
五方。

三七 太陽病。十日以去。脈浮細而嗜臥者。外已解也。設胸滿脅痛者。與小柴

胡湯。脈但浮者。與麻黃湯。七。用前第  
五方。

小柴胡湯方

柴胡半斤 黃芩 人參 甘草炙 生薑各三兩 大棗十二枚

半夏半升  
洗。

右七味。以水一斗二升。煮取六升。去滓。再煎取三升。溫服一升。日三服。

三八 太陽中風。脈浮緊。發熱惡寒。身疼痛。不汗出而煩躁者。大青龍湯主

之。若脈微弱。汗出惡風者。不可服之。服之則厥逆。筋惕肉瞤。〔六〕此

為逆也。大青龍湯方。八。

麻黃六兩 桂枝二兩 甘草二兩 杏仁四十枚 生薑三兩  
去節。 去皮。 炙。 去皮尖。

大棗十枚 石膏如雞子大  
碎。 〔七〕



右七味。以水九升。先煮麻黃。減二升。去上沫。內諸藥。煮取三升。去滓。溫服一升。取微似汗。汗出多者。溫粉粉〔八〕之。一服汗者。停後服。若復服。汗多亡陽。遂逆一作虛。惡風煩躁。不得眠也。

三九 傷寒脈浮緩。身不疼。但重。乍有輕時。無少陰證者。大青龍湯發之。

九。用前第八方第

四〇 傷寒表不解。〔九〕心下有水氣。乾嘔〔十〕發熱而欬。或渴。或利。或噎。或小便不利。少腹滿。或喘者。〔十一〕小青龍湯主之。方十。

麻黃去節 芍藥 細辛 乾薑 甘草炙 桂枝各三兩 去皮

五味子半升 半夏半升 洗

右八味。以水一斗。先煮麻黃減二升。去上沫。內諸藥。煮取三升。去滓。溫服一升。若渴。去半夏。加栝樓根三兩。若微利。去麻黃。加薤花。如一雞子。熬令赤色。若噎者。去麻黃。加附子一枚。炮。若小便不利。少腹滿者。去麻黃。加茯苓四兩。若喘。去麻黃加杏仁半升。去

皮尖。且薤花不治利。麻黃主喘。今此語反之。疑非仲景意。

臣億等謹按小青龍湯。

大要治水。又按本草。薤花下十二水。若水去。利則止也。又按千金。形腫者。應內麻黃。乃內杏仁者。以麻黃發其陽故也。以此證之。豈非仲景意也。

四一 傷寒心下有水氣。欬而微喘。發熱不渴。服湯已。渴者。此寒去欲解也。

小青龍湯主之。十一。用前第十方。

四二 太陽病。外證未解。脈浮弱者。當以汗解。宜桂枝湯。方十二。

桂枝去皮 芍藥 生薑各三兩切 甘草二兩炙 大棗十二枚擘

右五味。以水七升。煮取三升。去滓。溫服一升。須臾啜熱稀粥一升。

助藥力。取微汗。

四三 太陽病。下之微喘者。表未解故也。桂枝加厚朴杏子湯主之。方十三。

桂枝三兩去皮 甘草二兩炙 生薑三兩切 芍藥三兩

大棗十二枚擘 厚朴二兩去皮炙 杏仁五十枚去皮尖

右七味。以水七升。微火煮取三升。去滓。溫服一升。覆取微似汗。

四四 太陽病。外證未解。不可下也。下之爲逆。欲解外者。宜桂枝湯。十

四。用前第十二方。

四五 太陽病。先發汗不解。而復下之。脈浮者不愈。浮爲在外。而反下之。故

令不愈。今脈浮。故在外。當須解外則愈。宜桂枝湯。十五。用前第十二方。

四六 太陽病。脈浮緊。無汗發熱。身疼痛。八九日不解。表證仍在。此當發其

汗。服藥已微除。其人發煩目瞑。劇者必衄。衄乃解。所以然者。陽氣重

故也。麻黃湯主之。十六。用前第五方。

四七 太陽病。脈浮緊。發熱身無汗。自衄者愈。

四八 二陽併病。太陽初得病時。發其汗。汗先出不徹。因轉屬陽明。續自微汗

出。不惡寒。若太陽病證不罷者。不可下。下之爲逆。如此可小發汗。設

面色緣緣正赤者。陽氣怫鬱在表。當解之熏之。若發汗不徹。不足言。陽

氣怫鬱不得越。當汗不汗。其人躁煩。不知痛處。乍在腹中。乍在四肢。

按之不可得。其人短氣但坐。以汗出不徹故也。更發汗則愈。何以知汗出

不徹。以脈濇故知也。

傳麻府

四九 脈浮數者。法當汗出而愈。若下之。身重心悸者。不可發汗。當自汗出乃解。所以然者。尺中脈微。此裏虛。須表裏實。津液自和。便自汗出愈。

五〇 脈浮緊者。法當身疼痛。宜以汗解之。假令尺中遲者。不可發汗。何以知然。以榮氣不足。血少故也。

五一 脈浮者。病在表。可發汗。宜麻黃湯。十七。用前第五方。法用桂枝湯。

五二 脈浮而數者。可發汗。宜麻黃湯。十八。用前第五方。

五三 病常自汗出者。此為榮氣和。榮氣和者。外不諧。以衛氣不共榮氣諧和故爾。以榮行脈中。衛行脈外。復發其汗。榮衛和則愈。宜桂枝湯。十

九。用前第十二方。

五四 病人藏無他病。時發熱自汗出。而不愈者。此衛氣不和也。先其時發汗則愈。宜桂枝湯。二十。用前第十二方。

五五 傷寒脈浮緊。不發汗。因致衄者。麻黃湯主之。二十一。用前第五方。

五六 傷寒不大便六七日。頭痛有熱者。與承氣湯。二十二。其小便清者。一云大便青。知不

在裏。仍在表也。當須發汗。若頭痛者必衄。宜桂枝湯。二十二。用前第十二方

五七 傷寒發汗已解。半日許復煩。脈浮數者。可更發汗。宜桂枝湯。二十

三。用前第十二方。

五八 凡病若發汗。若吐。若下。若亡血。亡津液。陰陽自和者。必自愈。

五九 大下之後。復發汗。小便不利者。亡津液故也。勿治之。得小便利。必自愈。

六〇 下之後。復發汗。必振寒脈微細。所以然者。以內外俱虛故也。

六一 下之後。復發汗。晝日煩躁不得眠。夜而安靜。不嘔不渴。無表證。脈沈微。身無大熱者。乾薑附子湯主之。方二十四。

乾薑

一兩

附子

一枚。生用。去皮。切八片。去

右二味。以水三升。煮取一升。去滓。頓服。

六二 發汗後。身疼痛。脈沈遲者。桂枝加芍藥生薑各一兩。〔三〕人參三兩新加湯主之。方二十五。

桂枝三兩。去皮。

芍藥四兩。

甘草二兩。炙。

人參三兩。

大棗十二枚。擘。

生薑四兩。

右六味。以水一斗二升。煮取三升。去滓。溫服一升。本云。桂枝湯。

今加芍藥生薑人參。

六三 發汗後。不可更行桂枝湯。汗出而喘。無大熱者。可與麻黃杏仁甘草石膏

湯。方二十六。

麻黃四兩。去節。

杏仁五十箇。去皮尖。

甘草二兩。炙。

石膏半斤。碎。煑。

右四味。以水七升。煮麻黃。減二升。去上沫。內諸藥。煮取二升。去

滓。溫服一升。本云。〔二四〕黃耳杯。

六四 發汗過多。其人叉手自冒心。心下悸欲得按者。桂枝甘草湯主之。方二十

七。

桂枝四兩。去皮。

甘草二兩。炙。

右二味。以水三升。煮取一升。去滓。頓服。

六五 發汗後。其人臍下悸者。欲作奔豚。茯苓桂枝甘草大棗湯主之。方二十八。

茯苓

半斤

桂枝

四兩  
去皮

甘草

二兩  
炙

大棗

十五枚  
擘

右四味。以甘爛水〔三〕一斗。先煮茯苓。減二升。內諸藥。煮取三升。去滓。溫服一升。日三服。

作甘爛水〔二〕法。取水二斗。置大盆內。以杓揚之。水上有珠子五六千顆相逐。取用之。

六六 發汗後。腹脹滿者。厚朴生薑半夏甘草人參湯主之。方二十九。

厚朴

半斤  
炙  
去皮

生薑

半斤  
切

半夏

半升  
洗

甘草

二兩  
〔七〕

人參

一兩

右五味。以水一斗。煮取三升。去滓。溫服一升。日三服。

六七 傷寒若吐若下〔二〕後。心下逆滿。氣上衝胸。起則頭眩。脈沈緊。發汗則

動經。身爲振振搖者。茯苓桂枝白朮甘草湯主之。方三十。

茯苓

四兩

桂枝

三兩  
去皮

白朮

二兩

甘草

各二兩  
炙

右四味。以水六升。煮取三升。去滓。分溫三服〔三〇〕。

六八 發汗病不解。反惡寒者。虛故也。芍藥甘草附子湯主之。方三十一。

芍藥

甘草

各三兩  
炙

附子

一兩  
炮。去  
皮。破八片

右三味。以水五升。〔三〕煮取一升五合。去滓。分溫三服。疑非仲景方。〔三〕

六九 發汗。若下之。病仍不解。煩躁者。茯苓四逆湯主之。方三十二。

茯苓

四兩

人參

一兩

附子

一枚  
破八片  
生用。去  
皮

甘草

二兩  
炙

乾薑

一兩  
半

右五味。以水五升。煮取三升。去滓。溫服七合。日二服。

七〇 發汗後惡寒者。虛故也。不惡寒但熱者。實也。當和胃氣。與調胃承氣

湯。方三十三。

玉函云。與  
小承氣湯。



芒消 半升

甘草 二兩

大黃 四兩 清酒洗 去皮

右三味。以水三升。煮取一升。去滓。內芒消。更煮兩沸。頓服。

七二 太陽病。發汗後。大汗出。胃中乾。煩躁不得眠。欲得飲水者。少少與飲之。令胃氣和則愈。若脈浮。小便不利。微熱消渴者。五苓散主之。方三十四。即猪苓散是。

猪苓 十八銖 去皮

澤瀉 一兩 六銖

白朮 十八銖

茯苓 十八銖

桂枝 半兩 去皮

右五味。搗為散。以白飲和。服方寸匕。日三服。多飲煖水。汗出愈。如法將息。

七二 發汗已。脈浮數。煩渴者。五苓散主之。三十五。用前第三十四方

七三 傷寒汗出而渴者。五苓散主之。不渴者。茯苓甘草湯主之。方三十六。

茯苓 二兩 二四

桂枝 二兩 去皮

甘草 一兩 炙

生薑 三兩 切

右四味。以水四升。煮取二升。去滓。分溫三服。

七四 中風發熱。六七日不解而煩。有表裏證。渴欲飲水。水入則吐者。名曰水逆。五苓散主之。三十七。用前第三十四方。

七五 未持脈時。病人手叉自冒心。師因教試令欬而不欬者。此必兩耳聾無聞也。所以然者。以重發汗虛故如此。發汗後〔三〕飲水多必喘。以水灌之亦喘。

七六 發汗後。水藥不得入口爲逆。若更發汗。必吐下不止。發汗吐下後。虛煩不得眠。若劇者。必反覆顛倒。心中懊惱。上烏浩。下奴。〔三〕梔子豉湯主之。〔七〕若少氣者。〔六〕梔子甘草豉湯主之。若嘔者。梔子生薑豉湯主之。三十八。  
梔子豉湯方

梔子

十四箇

香豉

四合

綿裹。

右二味。以水四升。先煮梔子。得二升半。內豉。煮取一升半。去滓。分爲二服。溫進一服。得吐者止後服。

梔子甘草豉湯方

梔子

十四箇

甘草

二兩

香豉

四合

右三味。以水四升。先煮梔子甘草。取二升半。內豉。煮取一升半。去滓。分二服。溫進一服。得吐者止後服。

梔子生薑豉湯方

梔子

十四箇

生薑

五兩

香豉

四合

右三味。以水四升。先煮梔子生薑。取二升半。內豉。煮取一升半。去滓。分二服。溫進一服。得吐者止後服。

七七 發汗若下之。而煩熱胸中窒者。梔子豉湯主之。三十九。

用上初方

七八 傷寒五六日。大下之後。身熱不去。心中結痛者。未欲解也。〔五〕梔子豉

湯主之。四十。

用上初方

七九 傷寒下後。心煩腹滿。臥起不安者。梔子厚朴湯主之。方四十一。

梔子

十四箇。藥。

厚朴

四兩。炙。去皮。

枳實

四枚。水浸。炙令黃。

右三味。以水三升半。煮取一升半。去滓。分二服。溫進一服。得吐者。止後服。

八〇 傷寒。醫以丸藥大下之。身熱不去。微煩者。梔子乾薑湯主之。方四十二。

梔子

十四箇。藥。

乾薑

二兩。

右二味。以水三升半。煮取一升半。去滓。分二服。溫進一服。得吐者止後服。

八一 凡用梔子湯。病人舊微溏者。不可與服之。〔1107〕

八二 太陽病發汗。汗出不解。其人仍發熱。心下悸。頭眩身潤動。振振欲擗一作地〔三〕者。真武湯主之。方四十三。

茯苓

芍藥

生薑

各三兩。切。

白朮

二兩。

附子

一枚。炮。去皮。破八片。去。

右五味。以水八升。煮取三升。去滓。溫服七合。日三服。

八三 咽喉乾燥者。不可發汗。

八四 淋家。不可發汗。汗出必便血。

八五 瘡家雖身疼痛，不可發汗，汗出則瘥。〔三〕

八六 衄家。不可發汗。汗出必額上陷。〔三〕脈急緊。直視不能瞬。音喚。又胡絹切。下同。一作瞬。

不得眠。

八七 亡血家。不可發汗。發汗則寒慄而振。

八八 汗家。重發汗。〔三〕必恍惚心亂。小便已陰疼。與禹餘糧丸。四十四。方本闕

八九 病人有寒。復發汗。胃中冷。必吐衄。一作〔三〕

九〇 本發汗。而復下之。此爲逆也。若先發汗。治不爲逆。本先下之。而反汗

之。爲逆。若先下之。治不爲逆。

九一 傷寒。醫下之。續得下利。清穀不止。身疼痛者。急當救裏。後身疼痛。

清便自調者。急當救表。救裏宜四逆湯。救表宜桂枝湯。四十五。用前第十方。

九二 病發熱頭痛。脈反沈。若不差。身體疼痛。當救其裏。四逆湯〔三〕方。

甘草二兩。

乾薑一兩。

附子

一枚。生用。去皮。破八片。去

右三味。以水三升。煮取一升二合。去滓。分溫再服。強人可大附子一枚。乾薑三兩。

九三 太陽病。先下而不愈。因復發汗。以此表裏俱虛。其人因致冒。冒家汗出自愈。所以然者。汗出表和故也。裏未和。然後復下之。

九四 太陽病未解。脈陰陽俱停。一作微必先振慄汗出而解。但陽脈微者。先汗出

而解。但陰脈微一作尺脈實者。下之而解。若欲下之。宜調胃承氣湯。四十六。

用前三十三方。一云。用大柴胡湯。

九五 太陽病。發熱汗出者。此為榮弱衛強。故使汗出。欲救邪風者。宜桂枝

湯。四十七。方用前法。

九六 傷寒五六日中風。往來寒熱。胸脅苦滿。嘿嘿言不欲飲食。心煩喜嘔。

或胸中煩而不嘔。或渴。或腹中痛。或脅下痞鞭。言心或心下悸。小便不

利。或不渴。身有微熱。或欬者。小柴胡湯主之。方四十八。

柴胡

半斤

黃芩

三兩

人參

三兩

半夏

半升

甘草

炙

生薑

各三兩

大棗

十二枚

右七味。以水一斗二升。煮取六升。去滓。再煎取三升。溫服一升。日三服。若胸中煩而不嘔者。去半夏人參。加枳椇實一枚。若渴。去半夏。加人參。合前成四兩半。枳椇根四兩。若腹中痛者。去黃芩。加芍藥三兩。若脅下痞鞭。去大棗。加牡蠣四兩。若心下悸。小便不利者。去黃芩。加茯苓四兩。若不渴。外有微熱者。去人參。加桂枝三兩。溫覆微汗愈。若欬者。去人參大棗生薑。加五味子半升。乾薑二兩。

九七

血弱氣盡。腠理開。邪氣因入。與正氣相搏。結於脅下。正邪分爭。往來寒熱。休作有時。嘿嘿不欲飲食。藏府相連。其痛必下。邪高痛下。故使嘔也。

一云藏府相連。其病必下。脅高中痛。

小柴胡湯主之。服柴胡湯已。

「云」渴者屬陽明。以法

治之。四十九。

用前方

九八 得病六七日。脈遲浮弱。惡風寒。手足溫。醫二三下之。不能食。而脅下

滿痛。面目及身黃。頸項強。小便難者。與柴胡湯。後必下重。本渴飲水而嘔者。柴胡湯不中與也。食穀者噦。

九九

傷寒四五日。身熱惡風。頸項強。脅下滿。手足溫而渴者。小柴胡湯主之。五十。用前方

一〇〇

傷寒陽脈濇。陰脈弦。法當腹中急痛。先與小建中湯。不差者。小柴胡湯主之。五十一。用前方

小建中湯方

桂枝三兩  
去皮

甘草二兩  
炙

大棗十二枚

芍藥六兩

生薑三兩  
切

膠飴一升

右六味。以水七升。煮取三升。去滓。內飴。更上微火消解。溫服一升。日三服。嘔家不可用建中湯。以甜故也。

一〇一 傷寒中風。有柴胡證。但見一證便是。不必悉具。〔按〕凡柴胡湯病證而下之。若柴胡證不罷者。復與柴胡湯。必蒸蒸而振。却復發熱汗出而解。



一〇二 傷寒二三日。〔三〕心中悸而煩者。小建中湯主之。五十二。用前第五十一方。

一〇三 太陽病。經過十餘日。反二三下之。後四五日。柴胡證仍在者。先與小柴

胡。〔四〕嘔不止。心下急。一云。嘔止小安。鬱鬱微煩者。為未解也。與大柴胡湯下

之則愈。方五十三。

柴胡 半斤

黃芩 三兩

芍藥 三兩

半夏 半升

生薑 五兩

枳實 四枚

大棗 十二枚

右七味。以水一斗二升。煮取六升。去滓再煎。〔三〕溫服一升。日三

服。一方。加大黃二兩。若不加。恐不為大柴胡湯。

一〇四 傷寒十三日不解。胸脅滿而嘔。日晡所發潮熱。已而微利。〔四〕此本柴胡

證。下之以〔五〕不得利。今反利者。知醫以丸藥下之。此非其治也。潮熱

者。實也。先宜服小柴胡湯以解外。後以柴胡加芒消湯主之。五十四。

柴胡 二兩

黃芩 一兩

人參 一兩

甘草 一兩

生薑 一兩

半夏 二十枚

六銖。本云。五枚。洗。

大棗 四枚

芒消 二兩

右八味。以水四升。煮取二升。去滓。內芒消。更煮微沸。分溫再服。

不解更作。

臣億等謹按金匱玉函。方中無芒消。別一方云。以水七升。下芒消二合。大黃四兩。桑螵蛸五枚。煮取一升半。服五合。微下即愈。本云。柴胡再服。以解

其外。餘二升。加芒消大黃。桑螵蛸也。

一〇五 傷寒十三日。〔四六〕過經識語者。以有熱也。〔經〕當以湯下之。若小便利

者。大便當鞭。而反下利。脈調和者。知醫以丸藥下之。非其治也。若自

下利者。脈當微厥。今反和者。此為內實也。調胃〔四八〕承氣湯主之。五十

五。用前第三十三方。

一〇六 太陽病不解。熱結膀胱。其人如狂。血自下。下者愈。〔四五〕其外不解者。

尚未可攻。當先解其外。外解已。但少腹〔四九〕急結者。乃可攻之。宜桃核

承氣湯。方五十六。後云。解外宜桂枝湯。

桃仁

五十箇。去皮尖。

大黃

四兩

桂枝

二兩。去皮。

甘草

二兩。炙。

芒消

二兩

右五味。以水七升。煮取二升半。去滓。內芒消。更上火微沸。下火。

先食溫服五合。日三服。當微利。

一〇七 傷寒八九日。下之胸滿煩驚。小便不利。讖語。一身盡重。不可轉側者。柴胡加龍骨牡蠣湯主之。方五十七。

柴胡四兩 龍骨 黃芩 生薑切 欒〔五〕 丹 人參 桂枝去皮

茯苓各一兩半 半夏二合半 大黃二兩 牡蠣一兩半 大棗六枚

右十二味。以水八升。煮取四升。內大黃。切如碁子。更煮一兩沸。去滓。溫服一升。本云。柴胡湯。今加龍骨等。

一〇八 傷寒腹滿讖語。寸口脈浮而緊。此肝乘脾也。名曰縱。刺期門。五十八。

一〇九 傷寒發熱。畜畜惡寒。大渴欲飲水。〔五〕其腹必滿。自汗出。小便利。其病欲解。此肝乘肺也。名曰橫。刺期門。五十九。

一一〇 太陽病。二日反躁。凡熨其背。而大汗出。大熱入胃。一作二日內熨。熨背。胃大汗出。火氣入胃。中水竭。躁煩必發讖語。十餘日振慄自下利者。此為欲解也。故其汗從腰以下不得汗。〔善〕欲小便不得。反嘔欲失溲。足下惡風。大便鞭。小便當

數。而反不數。及不多。大便已。頭卓然而痛。其人足心必熱。穀氣下流故也。

一一 太陽病中風。以火劫發汗。〔毒〕邪風被火熱。血氣流溢。失其常度。兩陽相熏灼。其身發黃。陽盛則欲蛆。陰虛〔毒〕小便難。陰陽俱虛竭。身體則枯燥。但頭汗出。漉頸而還。腹滿微喘。口乾咽爛。或不大便。久則讖語。甚者至噦。手足躁擾。捻衣〔毒〕摸床。小便利者。其人可治。

一二 傷寒脈浮。醫以火迫劫之。亡陽〔毒〕必驚狂。臥起不安者。桂枝去芍藥加蜀漆牡蠣龍骨救逆湯主之。方六十。

桂枝

三兩  
去皮。

甘草

二兩  
炙。

生薑

三兩  
切。

大棗

十二枚  
擘。

牡蠣

五兩  
熬。

蜀漆

三兩  
去腥。

龍骨

四兩

右七味。以水一斗二升。先煮蜀漆。減二升。內諸藥。煮取三升。去滓。溫服一升。本云。桂枝湯。今去芍藥。加蜀漆牡蠣龍骨。

一一三 形作傷寒。其脈不弦緊而弱。弱者必渴。被火必讖語。弱者發熱脈浮。解

之當汗出愈。

一一四 太陽病以火熏之。不得汗。其人必躁。到經不解。必清血。名爲火邪。

一一五 脈浮熱甚。而反灸之。此爲實。實以虛治。因火而動。必咽燥吐血。

一一六 微數之脈。慎不可灸。因火爲邪。則爲煩逆。追虛逐實。血散脈中。火氣雖微。內攻有力。焦骨傷筋。血難復也。脈浮。宜以汗解。用火灸之。邪無從出。因火而盛。病從腰以下。必重而痲。名火逆也。欲自解者。必當先煩。煩乃有汗而解。何以知之。脈浮故知汗出解。〔天〕

一一七 燒針令其汗。針處被寒。核起而赤者。必發奔豚。氣從少腹上衝心者。灸其核上各一壯。與桂枝加桂湯。更加桂二兩也。〔至〕方六十一。

桂枝

五兩  
去皮。

芍藥

三兩。

生薑

三兩  
切。

甘草

二兩  
炙。

大棗

十二枚  
擘。

右五味。以水七升。煮取三升。去滓。溫服一升。本云。桂枝湯。今加桂滿五兩。所以加桂者。以能泄奔豚氣也。

一一八 火逆下之。因燒針煩躁者。桂枝甘草龍骨牡蠣湯主之。方六十二。

桂枝一兩  
去皮

甘草二兩  
炙

牡蠣二兩  
熬

龍骨二兩

右四味。以水五升。煮取二升半。去滓。溫服八合。日三服。

一一九 太陽傷寒者。〔卷〕加溫針必驚也。

一二〇 太陽病。當惡寒發熱。今自汗出。反不惡寒發熱。關上脈細數者。以醫吐之過也。一二日吐之者。腹中飢。口不能食。三四日吐之者。不喜糜粥。欲食冷食。朝食暮吐。以醫吐之所致也。此爲小逆。

一二一 太陽病吐之。但太陽病當惡寒。今反不惡寒。不欲近衣。此爲吐之內煩也。

一二二 病人脈數。數爲熱。當消穀引食。而反吐者。此以發汗。令陽氣微。膈氣虛。脈乃數也。數爲客熱。不能消穀。以胃中虛冷。故吐也。

一二三 太陽病。過經十餘日。心下溫溫欲吐。而胸中痛。大便反溏。腹微滿。鬱鬱微煩。先此時自極吐下者。與調胃承氣湯。若不爾者。不可與。但欲嘔。胸中痛微溏者。此非柴胡湯證。以嘔故知極吐下也。〔卷〕調胃承氣湯。

六十三。用前第三十三方

一二四 太陽病。六七日〔六三〕表證仍在。脈微而沈。反不結胸。其人發狂者。以熱在下焦。少腹當鞭滿。〔六三〕小便自利者。下血乃愈。所以然者。以太陽隨經。瘀熱在裏故也。抵當湯主之。方六十四。

水蛭

蒸

蟲蟲

各三十箇。去翅足。蒸。

桃仁

二十箇。去皮尖。

大黃

三兩。酒洗。

右四味。以水五升。煮取三升。去滓。溫服一升。不下更服。

一二五 太陽病身黃。脈沈結。少腹鞭。小便不利者。為無血也。小便自利。其人

如狂者。血證諦也。〔六四〕抵當湯主之。六十五。用前方

傷寒有熱。少腹滿。應小便不利。今反利者。為有血也。當下之。不可餘

藥。宜抵當丸。方六十六。

水蛭

二十箇。蒸。

蟲蟲

二十箇。去翅足。蒸。

桃仁

二十五箇。去皮尖。

大黃

三兩。

右四味。擣分四丸。以水一升。煮一丸。取七合服之。晡時〔六三〕當下

血。若不下者更服。

一二七 太陽病。小便利者。以飲水多。必心下悸。小便少者。必苦裏急也。

校釋

〔一〕「可發汗」篇、玉函經、外臺祕要惡風下均有「者」字。

〔二〕白沫，玉函經、外臺祕要均作去上沫。

〔三〕「可發汗」篇及成無己本均作三兩。

〔四〕白沫，玉函經作上沫。

〔五〕成無己本作二兩。

〔六〕惕，梯激切，音剔，怵惕也。矐，如勻切，音純，掣動也，筋惕肉矐，卽指肌肉的跳動。

〔七〕玉函經、成無己本、大輿均作十二枚。

〔八〕成無己本作「溫粉撲之」。

〔九〕千金方作「表未解」。

〔一〇〕玉函經及千金方均作「欬而發熱」，無乾嘔二字。

〔一一〕玉函經、脈經、千金方均作「或微喘」。

〔一二〕「與承氣湯」句上，玉函經有「未可」二字。

〔一三〕玉函經、脈經、千金翼方均無「各一兩」「三兩」「新加」等七字。

〔一四〕三字不可解，汪琥傷寒辨注云：「想係置水器也。」日人丹波元堅傷寒論述義云：「汪說難

信，或曰，此傳寫有譌脫，當是本云麻黃湯，今去桂枝加石膏。」



〔一五〕甘瀾水，成無己本同，惟玉函經作「甘瀾水」。

〔一六〕同「一五」註。

〔一七〕成本及千金翼方均有「炙」字。

〔一八〕「若下」下，玉函經有「若發汗」三字，脈經、千金翼方均作「傷寒發汗吐下後」。

〔一九〕白朮，金匱、玉函經均作三兩。

〔二〇〕「三服」句下，玉函經有「小便即利」四字。

〔二一〕各三兩，玉函經作各一兩。

〔二二〕水五升，玉函經、千金翼方作水三升。

〔二三〕玉函經、千金翼方並無「疑非仲景方」句。

〔二四〕玉函經作三兩。

〔二五〕「發汗後」句以下，成無己本另析爲一條。

〔二六〕懊，烏浩切，讀如咬，懣，奴冬切，讀如農，劉完素傷寒直格云：「懣懣者，煩心熱躁，悶亂不寧也」。

〔二七〕「發汗吐下後」句以下至「梔子豉湯主之」句止，成本另析爲一條。

〔二八〕「若少氣者」句以下，成本緊接於梔子豉湯發服法後。

〔二九〕「未欲解也」句，玉函經作「此爲不解」。

〔三〇〕玉函經「湯」字下有「證」字，「病人」下無「舊」字，「病」字作「其」字。

〔三一〕脈經作「仆地」，字異義同。

〔三二〕瘧，充至切，音廁，脊強背張也，玉函經作「瘧」。

〔三三〕玉函經作「必類上促急而緊」，巢氏病源同，惟「促」作「菹」（音蛆），外臺引病源「促」作「脈」，均無「陷」字。

〔三四〕一本作「復發汗」。

〔三五〕虵，同蝮。

〔三六〕成無己本「四逆湯」上有「宜」字，下無「方」字。

〔三七〕嘿，密北切，音墨，與默同。

〔三八〕鞭，同硬，堅也。

〔三九〕「服柴胡湯已」句以下，玉函經與成無己本均析爲另條。

〔四〇〕「凡柴胡湯病證而下之」句以下，玉函經、千金翼方、成無己本均析爲另條。玉函千金翼均無「病」字、「若」字和「卻復」的「復」字。成本亦無此「復」字。

〔四一〕外臺祕要作「傷寒一二日」。

〔四二〕玉函、千金翼、成無己、脈經、外臺等「小柴胡」下均有「湯」字。

〔四三〕「再煎」下，玉函、外臺均有「取三升」三字。

〔四四〕玉函、脈經、千金翼方均無「已而」二字，外臺作「熱畢微利」。

〔四五〕「以」字，成無己本爲「而」字。

〔四六〕「傷寒十三日」句下，成無己本有「不解」二字。

〔四七〕「以有熱也」句，玉函、脈經、千金翼均作「內有熱也」。

〔四八〕千金翼方無「調胃」二字。

〔四九〕脈經作「下之自愈」。

〔五〇〕「少腹」，玉函經、程應旂本均作小腹。

〔五一〕鈔，同鉛。

〔五二〕「欲飲水」句，玉函、脈經均作「欲飲酢漿」，千金翼作「欲飲馱漿」，酢，音措，馱，音代，就是現在的酒醋。

〔五三〕「反躁」，玉函、脈經均爲「而反燒瓦」四字，「大熱」均作「火熱」。「振慄自下利者」句，均作「振而反汗出者」，「其汗」句上並無「故」字。

〔五四〕玉函經無此「病」字，「發汗」作「發其汗」。

〔五五〕成無己本「陰虛」下有「則」字。

〔五六〕揜，尼輒切，音聶，指捏也。玉函經作「尋衣」、脈經作「循衣」。

〔五七〕「醫」字上，脈經、千金翼均有「而」字，「亡陽」下並無「必」字。

〔五八〕「脈浮，宜以汗解」句下至「名火逆也」句止，「欲自解者」句以下至「故知汗出解」，玉函經及成無己本分別各析爲另條，共爲三條。

〔五九〕成無己本不載此方。

〔六〇〕玉函經無「者」字。

〔六一〕千金翼方無「若不爾者」句以下三十字。

〔六二〕玉函經作「七八日」。

〔六三〕「鞭滿」，玉函經作「堅而滿」。

〔六四〕方有執云：「諦，審也，言如此則爲血證審實，無復可疑也。」

〔六五〕陶弘景云：「晬時者，周時也，從今且至明且。」

辨太陽病脈證並治下

一二八 問曰。病有結胸。有藏結。其狀何如。答曰。按之痛。寸脈浮。關脈沈。名曰結胸也。

一二九 何謂藏結。答曰。如結胸狀。飲食如故。時時下利。寸脈浮。關脈小細沈緊。名曰藏結。結。舌上白胎滑者。難治。

一三〇 藏結無陽證。不往來寒熱。一云。寒而不熱。其人反靜。舌上胎滑者不可攻也。〔二〕

一三一 病發於陽。而反下之。熱入因作結胸。病發於陰。而反下之。一作〔三〕因作痞也。〔三〕所以成結胸者。以下之太早故也。結胸者項亦強。〔四〕如柔痙。〔五〕狀。下之則和。宜大陷胸丸。方一。

大黃

半斤

葶藶子

半升

芒消

半升

杏仁

半升

去皮。熬黑。

右四味。擣篩二味。內杏仁芒消。合研如脂。和散。取如彈丸一枚。別擣甘遂末一錢匕。白蜜二合。水二升。煮取一升。溫頓服之。一宿乃下。

如不下更服。取下爲效。禁和藥法。

一三三 結胸證。其脈浮大者。不可下。下之則死。

一三三 結胸證悉具。煩躁者亦死。

一三四 大陽病脈浮而動數。浮則爲風。數則爲熱。動則爲痛。數則爲虛。頭痛發熱。微盜汗出。而反惡寒者。表未解也。醫反下之。動數變遲。膈內拒痛。一云頭〔六〕痛即眩胃中空虛。客氣動膈。短氣躁煩。心中懊懣。陽氣內陷。心下因鞣。則爲結胸。大陷胸湯主之。若不結胸。但頭汗出。餘處無汗。劑頸而還。小便不利。身必發黃。大陷胸湯方二。

大黃

六兩〔七〕  
去皮

芒消 一升

甘遂

〔八〕一錢  
匕

右三味。以水六升。先煮大黃。取二升。去滓。內芒消。煮一兩沸。內甘遂末。溫服一升。得快利。止後服。

一三五 傷寒六七日。結胸熱實。脈沈而緊。〔九〕心下痛。按之石鞣者。大陷胸湯

主之。三。

用前第  
二方

一三六 傷寒十餘日。熱結在裏。復往來寒熱者。與大柴胡湯。但結胸無大熱者。

此為水結在胸脅也。但頭微汗出者。大陷胸湯主之。四。用前第  
二方

### 大柴胡湯方

柴胡 半斤

枳實 四枚

生薑 五兩

黃芩 三兩

芍藥 三兩

半夏 半升洗

大棗 十二枚擘

右七味。以水一斗二升。煮取六升。去滓再煎。溫服一升。日三服。一

方加大黃二兩。若不加。恐不名大柴胡湯。

一三七

大陽病。重發汗而復下之。不大便五六日。舌上燥而渴。日晡所小有潮熱

一云日晡所發心胸大煩。從心下至少腹鞭滿而痛不可近者。大陷胸湯主之。五。用前第  
二方

一三八

小結胸病。(一)正在心下。按之則痛。脈浮滑者。(二)小陷胸湯主之。方六。

黃連 一兩(三)

一兩(三)

半夏 半升洗

栝樓實 大者一枚

右三味。以水六升。先煮栝樓。取三升。去滓。內諸藥。煮取二升。去

滓。分溫三服。〔三〕

一三九 太陽病。二三日。不能臥。但欲起。〔二〕心下必結。脈微弱者。此本有寒分〔三〕也。反下之。若利止。必作結胸。未止者。四日〔六〕復下之。此作協熱〔七〕利也。

一四〇 太陽病。下之。其脈促。一作不結胸者。此爲欲解也。脈浮者。必結胸。

脈緊者。必咽痛。脈弦者。必兩脅拘急。脈細數者。頭痛未止。脈沈緊者。必欲嘔。脈沈滑者。協熱利。脈浮滑者。必下血。

一四一 病在陽。應以汗解之。反以冷水漬〔二〕之。若灌之。其熱被劫不得去。彌

更益煩。肉上粟起。〔五〕意欲飲水。反不渴者。服文蛤散。若不差者。與

五苓散。寒實結胸。〔三〕無熱證者。與三物小陷胸湯。〔三〕用前第

白散亦可服。〔三〕七。一云與三物  
小白發

文蛤散方

文蛤 五兩

右一味爲散。以沸湯和一方寸匕服。湯用五合。

五苓散方

猪苓

十八銖。去黑皮。

白朮

十八銖。

澤瀉

一兩六錢。

茯苓

十八銖。

桂枝

半兩。去皮。

右五味爲散。更於白中杵之。白飲和方寸匕服之。日三服。多飲煖水。汗出愈。

白散方

桔梗

三分。

巴豆

一分。去皮心。熬黑。研如脂。

貝母

三分。

右三味爲散。內巴豆。更於白中杵之。以白飲和服。強人半錢匕。羸者減之。病在膈上必吐。在膈下必利。不利。進熱粥一杯。利過不止。進冷粥一杯。身熱皮粟不解。欲引衣自覆。若以水澀之洗之。益令熱劫不得出。當汗而不汗則煩。假令汗出已。腹中痛。與芍藥三兩如上法。

一四二 太陽與少陽併病。頭項強痛。或眩冒。時如結胸。心下痞鞣者。當刺大椎第一間。肺俞肝俞。慎不可發汗。發汗則譫語脈弦。五日譫語不止。



當刺期門。八。

一四三

婦人中風。發熱惡寒。經水適來。得之七八日。熱除而脈遲身涼。胸脅下滿。如結胸狀。讖語者。此爲熱入血室也。當刺期門。隨其實而取之。〔二〕九。

一四四

婦人中風。七八日續得寒熱。發作有時。經水適斷者。此爲熱入血室。其血必結。故使如瘧狀發作有時。小柴胡湯主之。方十。

柴胡

半斤

黃芩

三兩

人參

三兩

半夏

半升

甘草

三兩

生薑

三兩

大棗

十二枚

右七味。以水一斗二升。煮取六升。去滓。再煎取三升。溫服一升。日三服。

一四五

婦人傷寒。發熱。經水適來。晝日明了。暮則讖語。如見鬼狀者。此爲熱入血室。無〔五〕犯胃氣。及上二焦。必自愈。十一。

一四六

傷寒六七日。發熱微惡寒。支〔天〕節煩痛。微嘔。心下支結。〔毛〕外證未去者。柴胡桂枝湯主之。方十二。

桂枝二合 去皮

黃芩半兩

人參半兩

甘草一兩 炙

半夏二合 半 洗

芍藥半兩

大棗六枚 擘

生薑一兩 半 切

柴胡四兩

右九味。以水七升。煮取三升。去滓。溫服一升。本云三升人參湯。作如桂枝法。加半夏柴胡黃芩。復如柴胡法。今用人參作半劑。

一四七 傷寒五六日。已發汗而復下之。胸脅滿微結。小便不利。渴而不嘔。但頭

汗出。往來寒熱。心煩者。此為未解也。柴胡桂枝乾薑湯主之。方十三。

柴胡半斤

桂枝三兩 去皮

乾薑二兩

栝樓根四兩

黃芩三兩

牡蠣二兩 煮

甘草二兩 炙

右七味。以水一斗二升。煮取六升。去滓。再煎取三升。溫服一升。日三服。初服微煩。復服汗出便愈。

一四八 傷寒五六日。頭汗出。微惡寒。手足冷。心下滿。口不欲食。大便鞭。脈細者。此為陽微結。必有表。復有裏也。脈沈亦在裏也三三。汗出為陽微。

一四九

假令純陰結。不得復有外證。悉入在裏。此為半在裏半在外也。脈雖沈緊。不得為少陰病。所以然者。陰不得有汗。今頭汗出。故知非少陰也。可与小柴胡湯。設不了了者。得尿而解。十四。用前第十方

傷寒五六日。嘔而發熱者。柴胡湯證具。而以他藥下之。柴胡證仍在者。復與柴胡湯。此雖已下之。不為逆。必蒸蒸而振。却發熱汗出而解。若心下滿而鞭痛者。此為結胸也。大陷胸湯主之。但滿而不痛者。此為痞。柴胡不中與之。宜半夏瀉心湯。方十五。

半夏

半升洗

黃芩

乾薑

人參

甘草

炙各三兩

黃連

一兩

大棗

十二枚

右七味。以水一斗。煮取六升。去滓。再煎取三升。溫服一升。日三

服。須大陷胸〔三〕湯者。方用前第二法。

一方用半夏一升

一五〇 太陽少陽併病。而反下之。成結胸。心下鞭。下利不止。水漿不下。其人

心煩〔三〕

一五一 脈浮而緊。而復〔三〕下之。緊反入裏。則作痞。按之自濡。但氣痞耳。

一五二 太陽中風。下利嘔逆。表解者。乃可攻之。其人繫繫汗出。發作有時。頭痛。心下痞鞭滿。引脅下痛。乾嘔短氣。〔三〕汗出不惡寒者。此表解裏未和也。十棗湯主之。方十六。

芫花蒸 甘遂 大戟

右三味。等分。各別擣爲散。以水一升半。先煮大棗肥者十枚。取八合。去滓。內藥末。強人服一錢匕。羸人服半錢。溫服之。平旦服。若下少病不除者。明日更服。加半錢。得快下利後。糜粥自養。

一五三 大陽病。醫發汗。遂發熱惡寒。因復下之。心下痞。表裏俱虛。陰陽氣並竭。無陽則陰獨。復加燒針。因胸煩。面色青黃。膚潤者。難治。今色微黃。手足溫者易愈。

一五四 心下痞。按之濡。其脈關上浮者。大黃黃連瀉心湯主之。方十七。

大黃二兩 黃連一兩

右二味以麻沸湯〔云〕二升〔云〕漬之。須臾絞去滓。分溫再服。臣儻等看詳大黃黃連瀉心湯。

諸本皆二味。又後附子瀉心湯。用大黃黃連黃芩附子。恐是前方中承有黃芩。後但加附子也。故後云附子瀉心湯。本云。加附子也。〔云〕

一五五 心下痞。而後惡寒汗出者。附子瀉心湯主之。方十八。

大黃二兩 黃連一兩 黃芩一兩 附子一兩。炮。去皮。破別煮取汁。

右四味。切三味。以麻沸湯二升漬之。須臾絞去滓。內附子汁。分溫再服。

一五六 本以下之。故心下痞。與瀉心湯。痞不解。其人渴而口燥煩。〔云〕小便不利者。五苓散主之。十九。一方云。〔云〕忍之一日乃愈。用前方七證方。

一五七 傷寒汗出解之後。胃中不和。心下痞鞭。乾噫食臭。脅下有水氣。腹中雷鳴下利者。生薑瀉心湯主之。方二十。

生薑四兩切。 甘草三兩炙。 人參三兩 乾薑一兩 黃芩三兩

半夏半升洗。 黃連一兩 大棗十二枚

右八味。以水一斗。煮取六升。去滓。再煎取三升。溫服一升。日三服。

附子瀉心湯。〔四〕本云。加附子。半夏瀉心湯。甘草瀉心湯。同體別名耳。生薑瀉心湯。本云。理中人參黃芩湯。去桂枝朮。加黃連。並瀉肝法。

一五八 傷寒中風。醫反下之。其人下利日數十行。穀不化。腹中雷鳴。心下痞鞭而滿。乾嘔心煩不得安。醫見心下痞。謂病不盡。復下之。其痞益甚。此非結熱。但以胃中虛。客氣上逆。故使鞭也。甘草瀉心湯主之。方二十一。

甘草 四兩

黃芩 三兩

乾薑 三兩

半夏 半升

大棗 十二枚

黃連 一兩

右六味。以水一斗。煮取六升。去滓。再煎取三升。溫服一升。日三

服。臣億等謹按上生薑瀉心湯法。本云。理中人參黃芩湯。今詳瀉心以療痞。痞氣因發陰而生。是半夏生薑甘草瀉心三方。皆本於理中也。其方必各有人參。今甘草瀉心湯中無者。脫落之也。又按千金並外臺祕要。治傷寒

蠶食。用此方。皆有人參。知脫落無疑。

一五九 傷寒服湯藥。下利不止。心下痞鞭。服瀉心湯已。復以他藥下之。利不

止。醫以理中與之。利益甚。理中者。理中焦。此利在下焦。赤石脂禹餘糧湯主之。復不止者。當利其小便。赤石脂禹餘糧湯方二十二。

赤石脂

一斤。碎。

太一禹餘糧

一斤。碎。

右二味。以水六升。煮取二升。去滓。分溫三服。

一六〇

傷寒吐下後。發汗。虛煩。脈甚微。八九日心下痞鞭。脅下痛。氣上衝咽。眩冒。經脈動惕者。久而成痿。

一六一

傷寒發汗。若吐若下。解後。心下痞鞭。噫〔四〕氣不除者。旋復代赭湯主之。方二十三。

旋復花

三兩

人參

二兩

生薑

五兩

代赭

一兩

甘草

三兩

半夏

半升

大棗

十二枚

右七味。以水一斗。煮取六升。去滓。再煎取三升。溫服一升。日三服。

一六二

下後〔三〕不可更行桂枝湯。若汗出而喘。無大熱者。可與麻黃杏〔四〕子甘草石膏湯。方二十四

麻黃

四兩

杏仁

五十箇

甘草

二兩

石膏

半斤

碎。

右四味。以水七升。先煮麻黃。減二升。去白沫。內諸藥。煮取三升。本云。黃耳杯。

一六三 太陽病。外證未除。而數下之。遂協熱而利。利下不止。心下痞鞭。表裏不解者。桂枝人參湯主之。方二十五。

桂枝

四兩 別切

甘草

四兩 炙

白朮

三兩

人參

三兩

乾薑

三兩

右五味。以水九升。先煮四味。取五升〔吳〕。內桂。更煮取三升。去滓。溫服一升。日再夜一服。

一六四 傷寒大下後。復發汗。心下痞。惡寒者。表未解也。不可攻痞。當先解表。表解乃可攻痞。解表宜桂枝湯。攻痞宜大黃黃連瀉心湯。二十六。

瀉心湯用前第十七方

一六五 傷寒發熱。汗出不解。心〔吳〕中痞鞭。嘔吐而下利者。大柴胡主之。二十

七。用前第四方

一六六 病如桂枝證。頭不痛。項不强。寸脈微〔吳〕浮。胸中痞鞭。氣上衝喉咽



〔聖〕。不得息者。此爲胸有寒也〔毒〕。當吐之。宜瓜蒂散。方二十八。

瓜蒂一分 赤小豆一分

右二味。各別擣篩。爲散已。合治之。取一錢匕。以香豉一合。用熱湯七合。煮作稀糜。去滓。取汁和散。溫頓服之。不吐者。少少加。得快吐乃止。諸亡血虛家。不可與瓜蒂散。

一六七 病〔五〕脅下素有痞。連在臍傍。痛引少腹。入陰筋者。〔五〕此名藏結。死。二十九。

一六八 傷寒若吐若下後。七八日不解。熱結在裏。表裏俱熱。時時惡風。大渴。舌上乾燥而煩。欲飲水數升者。白虎加人參湯主之。方三十。

知母六兩

石膏一斤

甘草二兩

人參二兩

粳米六合

右五味。以水一斗。煮米熟。湯成去滓。溫服一升。日三服。此方立夏〔毒〕後立秋前。乃可服。立秋後不可服。正月二月三月尙凜冷。亦不

可與服之。與之則嘔利而腹痛。諸亡血虛家。亦不可與。得之則腹痛利者。但可溫之。當愈。

一六九 傷寒無大熱。口燥渴。心煩。背微惡寒者。白虎加人參湯主之。三十一方用前

一七〇 傷寒脈浮。發熱無汗。其表不解。〔去〕不可與白虎湯。渴欲飲水。無表證者。白虎加人參湯主之。三十二方用前

一七一 太陽〔去〕少陽併病。心下鞭。頸項強而眩者。當刺大椎肺俞肝俞。慎勿下之。三十三。

一七二 太陽與少陽合病。自下利者。與黃芩湯。若嘔者。黃芩加半夏生薑湯主之。三十四。

黃芩湯方

黃芩 三兩〔去〕芍藥 二兩甘草 二兩大棗 十二枚

右四味。以水一斗。煮取三升。去滓。溫服一升。日再夜一服。

黃芩加半夏生薑湯方

黃芩 三兩

芍藥 二兩

甘草 二兩

大棗 十二枚

半夏 半升

生薑 二兩半一方

右六味。以水一斗。煮取三升。去滓。溫服一升。日再夜一服。

一七三 傷寒胸中有熱。胃中有邪氣。腹中痛。欲嘔吐者。黃連湯主之。方三十五。

黃連 三兩〔天〕

甘草 三兩

乾薑 三兩

桂枝 三兩

人參 二兩

半夏 半升

大棗 十二枚

右七味。以水一斗。煮取六升。去滓。溫服。〔无〕晝三夜二。疑非仲景方。

一七四

傷寒八九日。風溼相搏。身體疼煩。不能自轉側。不嘔不渴。脈浮虛而澀者。桂枝附子湯主之。若其人大便秘。小便自利者。去桂加白朮

湯主之。三十六

桂枝附子湯方

桂枝四兩  
去皮

附子三枚  
炮  
去皮破

生薑三兩  
切

大棗十二枚  
擘

甘草二兩  
炙

右五味。以水六升。煮取二升。去滓。分溫三服。

去桂加白朮湯方

附子三枚  
炮  
去皮破

白朮四兩

生薑三兩  
切

甘草二兩  
炙

大棗十二枚  
擘

右五味。以水六升。煮取二升。去滓。分溫三服。初一服。其人身如痺。半日許復服之。三服都盡。其人如冒狀。勿怪。此以附子朮。併走皮內。逐水氣未得除。故使之耳。法當〔六〕加桂四兩。此本一方二法。以大便鞭。小便自利。去桂也。以大便不鞭。小便不利。當加桂。附子三枚恐多也。虛弱家及產婦。宜減服之。

一七五 風溼相搏。骨節疼煩。掣痛不得屈伸。近之則痛劇。汗出短氣。小便不利。惡風不欲去衣。或身微腫者。甘草附子湯主之。方三十七。

甘草二兩  
炙

附子二枚  
炮  
去皮破

白朮二兩  
〔六〕

桂枝四兩  
去皮

一七六 傷寒脈浮滑〔六四〕。此以表有熱。裏有寒。白虎湯主之。方三十八。  
右四味。以水六升。煮取三升。去滓。溫服一升。日三服。初服得微汗則解。能食汗止〔六三〕復煩者。將服五合。恐一升多者。宜服六七合爲始。

知母 六兩

石膏 一斤

甘草 二兩

粳米 六合

右四味〔六五〕。以水一斗。煮米熟。湯成。去滓。溫服一升。日三服。

臣億等謹按前篇云。熱結在裏。表裏俱熱者。白虎湯主之。又云。其表不解。不可與白虎湯。此云脈浮滑。表有熱。裏有寒者。必表裏字差矣。又陽明一證云。脈浮遲。表熱裏寒。四逆湯主之。以此表裏自差明矣。千金翼〔六六〕云。白通湯非也。

一七七 傷寒脈結代。心動悸〔六七〕炙甘草湯主之。方三十九。

甘草 四兩

生薑 三兩

人參 二兩

生地黃 一斤

桂枝 三兩

阿膠 二兩

麥門冬 半升

麻仁 〔六八〕半升

大棗 三十枚

〔六九〕

右九味。以清酒七升。水八升。先煮八味。取三升。去滓。內膠烱消盡。溫服一升。日三服。一名復脈湯。

脈〔結〕按之來緩。時一止復來者。名曰結。又脈來動而中止。更來小數。中有還者反動。名曰結陰也。脈來動而中止。不能自還。因而復動者。名曰代陰也。得此脈者必難治。

校釋

- 〔一〕成無己本與上合為一條。
- 〔二〕千金翼為「一作汗之」四字小注。
- 〔三〕玉函經、成無己本均無此「也」字。
- 〔四〕從「結胸者項亦強」句以下，成無己本析為另條。
- 〔五〕玉函經、脈經均作「瘧」。
- 〔六〕「膈內刺痛」句，玉函經、脈經、千金翼方均作「頭痛即眩」四字。
- 〔七〕千金方、千金翼方均無「去皮」二字。
- 〔八〕千金方、千金翼方「一錢七」上均有「末」字。
- 〔九〕「脈沈而緊」句，玉函經作「其脈浮緊」。
- 〔一〇〕「小結胸病」句，玉函經、千金翼均作「小結胸者」。
- 〔一一〕玉函千金翼均無「者」字。
- 〔一二〕玉函經作「二兩」。
- 〔一三〕「三服」句下，傷寒總病論、活人書、傷寒準繩均有「微解下黃涎即愈」七字。

〔一四〕「但欲起」句下，玉函經、脈經、千金翼均有「者」字。

〔一五〕玉函經、脈經、千金翼均無此「分」字。

〔一六〕「四日」，玉函、脈經、千金翼均作「四五日」。

〔一七〕「協熱」玉函、脈經、千金翼均作「挾熱」。

〔一八〕「溪」，蘇困切，音巽，又因選、義同，含水噴也。仲景全書、脈經、千金翼均作「巽」，俗寫字也。

〔一九〕玉函、千金、外臺均無「彌更」二字，「肉上」並作「皮上」。

〔二〇〕「寒實結胸」句以下，張隱庵、柯韻伯、醫宗金鑑等均析作另條。

〔二一〕玉函、千金翼作「三物小白散」。

〔二二〕成無已本此句接「小陷胸湯」句下，不另行。

〔二三〕玉函、成本均作「五六日」。

〔二四〕成無已本作「瀉之」，玉函、脈經作「隨其虛實而取之」。

〔二五〕方有執云：「無，禁止之辭」。

〔二六〕支，通肢。

〔二七〕活人書云：「外證未解，心下妨悶者，非痞也，謂之支結」。

〔二八〕桂枝無分兩，玉函及成無已本均作「一兩半」。

〔二九〕「本云」以下二十九字，玉函經無。

〔三〇〕乾薑牡蠣分量，仲景全書及外臺祕要均作三兩。

〔三一〕「脈沈在裏也」句，玉函經作「脈沈爲病在裏」。

〔三二〕成無己本無「須大陷胸」以下十二字。

〔三三〕「其人心煩」句，玉函、脈經、千金翼作「其人必心煩」。

〔三四〕「復」玉函作「反」。

〔三五〕「乾嘔短氣」，玉函經作「嘔即短氣」，無「汗出不惡寒者」句。

〔三六〕錢潢云：「麻沸湯者，言湯沸時泛沫之多，其亂如麻也。」

〔三七〕瀆，集義切，音恣，漚也，謂沈浸其中，使之沁入，俗謂爲水泡。

〔三八〕千金翼注，亦云此方有黃芩，金匱「驚悸吐衄」篇之瀉心湯，卽爲大黃二兩，黃連、黃芩各一兩。

〔三九〕脈經無此「煩」字。

〔四〇〕成無己本無「一方云」以下九字。

〔四一〕「附子瀉心湯」以下五十字，玉函經、成無己本均無。

〔四二〕噎，乙照切，音醫，又可讀成去聲，義同。

〔四三〕「下後」句，玉函作「大下以後」。

〔四四〕玉函作「杏仁」。

〔四五〕「別切」二字，玉函經、成無己本、仲景全書均作「去皮」。

〔四六〕「五升」下，玉函經有「去滓」二字。

〔四七〕玉函、成本均作「心下」。

〔四八〕「寸脈微浮」，巢氏病源作「其脈微」。

〔四九〕玉函成本均作「咽喉」。



【五〇】「此爲胸有寒也」句，千金方作「此以內有久痰」。

【五一】「病」字下玉函脈經均有「者若」二字。

【五二】「入陰筋者」句，玉函、脈經並作「入陰俠陰筋者」。

【五三】玉函作「三兩」。

【五四】「此方立夏」以下六十二字，玉函經無。

【五五】「其表不解」下，玉函、成無己本、外臺等均有「者」字。

【五六】「太陽」下，玉函經有「與」字，「心下鞭」，玉函經作「心下痞堅」，「大椎」下，玉函

經有「一間」兩字。

【五七】玉函經作「二兩」。

【五八】玉函經黃連、桂枝均爲二兩，甘草、乾薑均爲一兩，千金翼方人參爲三兩。

【五九】成無己本作「溫服一升，日三服，夜二服」，並無「疑非仲景方」五字。

【六〇】「法當」以下五十二字，金匱無。

【六一】玉函外臺均作「三兩」。

【六二】玉函作「三兩」。

【六三】「汗止」金匱及成無己本均作「汗出」，無下句「將」字，「爲始」作「爲妙」。

【六四】玉函經此條云：「傷寒脈浮滑，而表熱裏寒者，白通湯主之，舊云白通湯，一云白虎者恐非。」注云：「舊云以下出叔和。」頗有參考和研究的價值。

【六五】外臺第一卷引千金翼云：「右四味，切，以水一斗二升，煮取米熟，去米納藥，煮取六升，去滓，分六服，日三服。」較此煮服法完善。

〔六六〕千金翼無此語，疑爲玉函經之誤。

〔六七〕「心動悸」，玉函經作「心中驚悸」。

〔六八〕成無己本爲「麻子人」。

〔六九〕玉函經、成無己本作十二枚。

〔七〇〕玉函經無此條文。

辨陽明病脈證並治

一七九

問曰。病有太陽陽明。有正陽陽明。有少陽陽明。何謂也。答曰。太陽陽明者。脾約絡一云是也。正陽陽明者。胃家實是也。少陽二陽明者。發汗利小利已。胃中燥煩實。大便難是也。

一八〇

陽明之爲病。胃家實寒一作是二也。

一八一

問曰何緣得陽明病。答曰。太陽病。若發汗。若下。若利小便。此亡津液。胃中乾燥。因轉屬陽明。不更衣。內實大便難者。此名陽明也。

一八二

問曰。陽明病外證云何。答曰。身熱汗自出。不惡寒反惡熱也。

一八三

問曰。病有得之一日。不發熱三而惡寒者。何也。答曰。雖得之一日。惡寒將自罷。卽汗出而惡熱也。

一八四

問曰。惡寒何故自罷。答曰。陽明居中。主四土也。萬物所歸。無所復傳。始雖惡寒。二日自止。此爲陽明病也。

一八五

本太陽。初得病時。發其汗。汗先出不徹。因轉屬陽明也。傷寒發熱。五

無汗。嘔不能食。而反汗出漉漉然者。是轉屬陽明也。

一八六 傷寒三日。陽明脈大。

一八七 傷〔六〕寒脈浮而緩。手足自溫者。是爲繫在太陰。太陰者。身當發黃。若小便自利者。不能發黃。至七八日大便鞭者。爲陽明病也。

一八八 傷寒轉繫陽明者。其人漉〔七〕然微汗出也。

一八九 陽明中風。口苦咽乾。腹滿微喘。發熱惡寒。脈浮而緊。若下之則腹滿小便難也。

一九〇 陽明病。若能食。名中風。不能食。名中寒。

一九一 陽明病。若中寒者。不能食。小便不利。手足漉然汗出。此欲作固瘕。〔八〕必大便初鞭後溏。所以然者。以胃中冷。水穀不別故也。

一九二 陽明病。初欲食。小便反不利。大便自調。其人骨節疼。翕翕如有熱狀。奄〔九〕然發狂。漉然汗出而解者。此水不勝穀氣。與汗共并。脈緊則愈。

一九三 陽明病。欲解時。從申至戌上。

一九四 陽明病。不能食。攻其熱必噦。所以然者。胃中虛冷故也。以其人本虛。攻其熱必噦。

一九五 陽明病。脈遲。食難用飽。飽則微煩頭眩。必小便難。此欲作穀瘕〔二〕。雖下之腹滿如故。所以然者。脈遲故也。

一九六 陽明病。法多汗。反無汗。其身如蟲行皮中狀者。此以久虛故也。

一九七 陽明病。反無汗。而小便利。二三日嘔而欬。手足厥者。必苦頭痛。若不欬不嘔。手足不厥者。頭不痛。冬陽明〔一云。冬陽明〕

一九八 陽明病。但頭眩不惡寒。故能食而欬。其人咽必痛。若不欬者。咽不痛。

陽明〔一云。冬陽明〕

一九九 陽明病。無汗。小便不利。心中懊懣者。身必發黃。

二〇〇 陽明病。被火。額上微汗出。而小便不利者。必發黃。

二〇一 陽明病。脈浮而緊者。必潮熱發作有時。但浮者。必盜汗出。

二〇二 陽明病。口燥但欲漱水。不欲嚥者。此必衄。

二〇三 陽明病。本自汗出。醫更重發汗。病已差。尚微煩不了了者。此必大便難。

故也。以亡津液胃中乾燥。故令大便鞭。當問其小便日幾行。若本小便日三四行。今日再行。故知大便不久出。今爲小便數少。以津液當還入胃中。故知不久必大便也。

二〇四 傷寒嘔多。雖有陽明證。不可攻之。

二〇五 陽明病。心下鞭滿者。不可攻之。攻之利遂不止者死。利止者愈。

二〇六 陽明病。面合色赤。不可攻之。必發熱。色黃者。小便不利也。

二〇七 陽明病。不吐不下。心煩者。可與調胃承氣湯。方一。

甘草

二兩

芒消

半斤

大黃

四兩 清酒洗

右三味。切。以水三升。煮二物至一升。去滓。內芒消。更上微火一二沸。溫頓服之。以調胃氣。

二〇八 陽明病。脈遲。雖汗出不惡寒者。其身必重。短氣。腹滿而喘。有潮熱者。此外欲解。可攻裏也。手足濇然汗出者。此大便已鞭也。大承氣湯主

之。若汗多。微發熱惡寒者。外未解也。〔二四〕一法。與桂枝湯。其熱不潮。未可與承氣湯。若腹大滿不通者。可與小承氣湯。微和胃氣。勿令至大泄下。大承氣湯方二

大黃

四兩。酒洗。

厚朴

半斤。炙。

枳實

五枚。炙。

芒消

三合

右四味。以水一斗。先煮二物。取五升。去滓。內大黃。更煮取二升。去滓。內芒消。更上微火一兩沸。分溫再服。得下。餘勿服。

小承氣湯方

大黃

四兩。酒洗。

厚朴

二兩。炙。去皮。

枳實

三枚。大者。炙。

右三味。以水四升。煮取一升二合。去滓。分溫二服。〔二五〕初服湯當更衣。不爾者盡飲之。若更衣者。勿服之。

陽明病。潮熱。大便微鞭者。可與大承氣湯。不鞭者。不可與之。若不大便六七日。恐有燥屎。欲知之法。少與小承氣湯。湯入腹中。轉失氣〔二六〕

者。此有燥屎也。乃可攻之。若不轉失氣者。此但初頭鞭。後必溏。不可攻之。攻之必脹滿不能食也。欲飲水者。與水則噦。其後發熱者。〔二〇〕必大便復鞭而少也。以小承氣湯和之。不轉失氣者。慎不可攻也。小承氣湯。三。用前第二方

二一〇 夫實則識語。虛則鄭聲。鄭聲者。重語也。〔二一〕直視識語。喘滿者死。下利者亦死。

二一一 發汗多。若重發汗者。亡其陽。〔二二〕識語。脈短者死。脈自和者不死。

二一二 傷寒若吐若下後不解。不大便五六日。上至十餘日。日晡所〔二三〕發潮熱。

不惡寒。獨語如見鬼狀。若劇者。發則不識人。循衣摸牀。〔二四〕惕而

一云。順衣妄。撮牀惕不安。

微喘直視。脈弦者生。濇者死。微者。但發熱識語〔二五〕者。大

承氣湯主之。若一服利。則止後服。四。用前第二方

二一三 陽明病。其人多汗。以津液外出。胃中燥。大便必鞭。鞭則識語。小承氣

湯主之。若一服識語止者。更莫復服。五。用前第二方

二一四 陽明病。識語。發潮熱。脈滑而疾者。小承氣湯主之。〔二六〕因與承氣湯一



升。腹中轉氣〔三〕者。更服一升。若不轉氣者。勿更與之。明日又不大便。脈反微瀯者。裏虛也。爲難治。不可更與承氣湯也。六。用前第二方

二二五 陽明病。讞語有潮熱。反不能食者。胃中必有燥屎五六枚也。若能食者。

但鞭耳。宜〔六〕大承氣湯下之。七。用前第二方

二二六 陽明病。下血讞語者。此爲熱入血室。但頭汗出者。刺〔七〕期門。隨其實

而寫〔八〕之。澱然汗出則愈

二二七 汗汗作臥。出讞語者。以有燥屎在胃中。此爲風也。須下者〔九〕過經乃可下

之。下之若早。語言必亂。以表虛裏實故也。下之愈。〔三〇〕宜大承氣湯。

八。用前第二方。一云大柴胡湯。

二二八 傷寒四五日。脈沈而喘滿。〔三一〕沈爲在裏。而反發其汗。津液越出。大便

爲難。表虛裏實。久則讞語。

二二九 三陽合病。腹滿身重。難以轉側。口不仁面垢。〔三二〕又作枯。一云向經。讞語遺尿。

發汗則讞語。下之則額上生汗。手足逆冷。若自汗出者。白虎湯主之。方

九。

知母 六兩

石膏 一斤

碎

甘草 二兩

炙

粳米 六合

右四味。以水一斗。煮米熟。湯成去滓。溫服一升。日三服。

二〇 二陽併病。太陽證罷。但發潮熱。手足繫繫汗出。大便難而讞語者。下之

則愈。宜大承氣湯。十。

用前方二方

三一 陽明病。脈浮而緊。咽燥口苦。腹滿而喘。發熱汗出。不惡寒反惡熱。身

重。若發汗則躁。心憤憤公對切反讞語。若加溫針。〔三〕必怵惕煩躁不得眠。

若下之。則胃中空虛。客氣動膈。心中懊懣。舌上胎者。梔子豉湯主之。

方十一。

肥梔子

十四枚

香豉

四合

綿裹

右二味。以水四升。煮梔子取二升半。去滓。內豉。更煮取一升半。去滓。分二服。溫進一服。得快吐者。止後服。

三三 若〔三〕渴欲飲水。口乾舌燥者。白虎加人參〔三〕湯主之。方十二。

知母 六兩

石膏 一斤

甘草 二兩

粳米 六合

人參 三兩

右五味。以水一斗。煮米熟。湯成去滓。温服一升。日三服。

二二三 若〔美〕脈浮發熱。渴欲飲水。小便不利者。猪苓湯主之。方十三。

猪苓 去皮

茯苓

澤瀉

阿膠

滑石 碎。各一兩。

右五味。以水四升。先煮四味。取二升。去滓。內阿膠烱消。温服七

合。日三服。

二二四 陽明病。汗出多而渴者。不可與猪苓湯。以汗多胃中燥。猪苓湯復利其小

便故也。

二二五 脈浮而遲。表熱裏寒。下利清穀者。四逆湯主之。方十四。

甘草 二兩

乾薑 一兩

附子 一枚。生用。去皮。破八片。去

右三味。以水三升。煮取一升二合。去滓。分温二服。強人可大附子一

枚。乾薑三兩。

二二六 若〔七〕胃中虛冷。不能食者。飲水則噦。

二二七 脈浮發熱。口乾鼻燥。能食者則嘔。

二二八 陽明病。下之。其外有熱。手足溫。不結胸。心中懊憹。飢不能食。但頭

汗出者。梔子豉湯主之。十五。用前第十一方

二二九 陽明病。發潮熱。大便溏。小便自可。胸脅滿不去者。與小柴胡湯〔三〕方十六。

柴胡

半斤

黃芩

三兩

人參

三兩

半夏

半升

甘草

三兩

生薑

三兩

大棗

十二枚

右七味。以水一斗二升。煮取六升。去滓。再煎取三升。溫服一升。日

三服。

二二〇 陽明病。脅下鞭滿。不大便。而嘔。舌上白胎者。可與小柴胡湯。上焦得

通。津液得下。胃氣因和。身濺然汗出而解。十七。用上

三三二 陽明中風。脈弦浮大。而短氣。腹都滿。脅下及心痛。久按之氣不通。鼻乾不得汗。嗜臥。一身及目<sub>〔三〕</sub>悉黃。小便難。有潮熱。時時噦。耳前後腫。刺之小差。外不解。病過十日。脈續浮者。與小柴胡湯。十八。<sub>用上方</sub>

三三一 脈<sub>〔平〕</sub>但浮。無餘證者。與麻黃湯。若不尿。腹滿加噦者。不治。麻黃湯。方十九。

麻黃

<sub>三兩  
去節</sub>

桂枝

<sub>二兩  
去皮</sub>

甘草

<sub>一兩  
炙</sub>

杏仁

<sub>七十箇  
去皮尖</sub>

右四味。以水九升。煮麻黃減二升。去白沫。內諸藥。煮取二升半。去滓。溫服八合。覆取微似汗。

三三三 陽明病。自汗出。若發汗。小便自利者。此為津液內竭。雖鞭不可攻之。當須自欲大便。宜蜜煎導而通之。若土瓜根。及大<sub>〔四〕</sub>猪胆汁。皆可為導。二十。

蜜煎方

食蜜

<sub>〔四〕 七合</sub>

右一味。於銅器內。微火煎。〔醫〕當須凝如飴狀。攪之勿令焦著。欲可丸。〔醫〕併手捻作挺。令頭銳。大如指。長二寸許。當熱時急作。冷則鞭。以內穀道中。以手急抱。欲大便時乃去之。疑非〔醫〕仲景意。已試甚良。又大豬膽一枚。瀉汁。和少許法醋。〔醫〕以灌穀道內。如一食頃。當大便出宿食惡物。甚效。

一三四 陽明病。脈遲。汗出多。微惡寒者。表未解也。可發汗。宜桂枝湯。二十

桂枝

三兩  
去皮。

芍藥

三兩

生薑

三兩

甘草

二兩

大棗

十二枚

右五味。以水七升。煮取三升。去滓。溫服一升。須臾啜熱稀粥一升。以助藥力取汗。

二三五

陽明病。脈浮。無汗而喘者。〔醫〕發汗則愈。宜麻黃湯。二十二。用前第十九方

二二六

陽明病。發熱汗出者。此爲熱越。不能發黃也。但頭汗出。身無汗。劑〔醫〕頸而還。小便利。渴引水漿者。此爲瘀熱在裏。身必發黃。茵蔯蒿湯主

之。方二十三。

茵陳蒿

六兩

梔子

十四枚

大黃

二兩

右三味。以水一斗二升。〔芎〕先煮茵陳。減六升。內二味。煮取三升。去滓。分三服。小便當利。尿如皂莢汁狀。色正赤。一宿腹減。黃從小便去也。  
二三七 陽明證。其人喜忘〔舌〕者。必有畜血。所以然者。本有久瘀血。故令喜忘。屎雖鞭。大便反易。其色必黑者。宜抵當湯下之。方二十四。

水蛭

熬

蝨蟲

去翅足。熬。各三十箇

大黃

三兩

桃仁

二十箇。去皮。尖及兩人者

右四味。以水五升。煮取三升。去滓。溫服一升。不下更服。

二三八

陽明病。下之。心中懊憹而煩。胃中有燥屎者。可攻。腹微滿。初頭鞭。

後必澹。不可攻之。若有燥屎者。宜大承氣湯。二十五。

用前第二方

二三九 病人不大便五六日。繞臍痛。煩躁。發作有時者。此有燥屎。故使不大便。

也。

二四〇 病人煩熱。汗出則解。又〔五〕如瘧狀。日晡所發熱者。屬陽明也。脈實

者。宜下之。〔五〕脈浮虛者。宜發汗。下之與大承氣湯。發汗宜桂枝湯。

二十六。 大承氣湯。用前第二方  
桂枝湯用前第二十一方

六二四一 大下後。六七日不大便。煩不解。腹滿痛者。此有燥屎也。所以然者。本

有宿食故也。宜大承氣湯。二十七 用前第二方

六二四二 病人小便利。大便乍難乍易。時有微熱。喘冒 一作息 不能臥者有燥屎也。

宜大承氣湯。二十八。 用前第二方

吳二四三 食穀欲嘔。〔五〕屬陽明也。吳茱萸湯主之。得湯反劇者。屬上焦也。吳茱

萸湯方二十九。

吳茱萸 一升。洗。

人參 三兩

生薑 六兩。切。

大棗 十二枚。擘。

右四味。以水七升。〔五〕煮取二升。去滓。溫服七合。日三服。

二四四 太陽病。寸緩關浮尺弱。其人發熱汗出。復惡寒。不嘔。但心下痞者。此以

醫下之也。如其不下者。病人不惡寒而渴者。此轉屬陽明也。小便數者。



大便必鞭。不更衣十日。無所苦也。渴欲飲水。少少與之。但以法救之。渴者。宜五苓散。方三十。

猪苓

去皮

白朮

茯苓

各十八銖

澤瀉

一兩六銖

桂枝

半兩去皮

右五味。爲散。白飲和。服方寸匕。日三服。

二四五

脈陽微而汗出少者。爲自和也。一作如也。汗出多者。爲太過。陽脈實〔差〕。因發

其汗。出多者。亦爲太過。太過者。爲陽絕於裏。亡津液。大便因鞭也。

二四六

脈浮而芤。浮爲陽。芤爲陰。浮芤相搏。胃氣生熱。其陽則絕。

二四七

跌陽脈浮而瀼。浮則胃氣強。瀼則小便數。浮瀼相搏。大便則鞭。其脾爲

約。麻子仁丸主之。方三十一。

麻子仁

二升

芍藥

半斤

枳實

半斤

大黃

一斤

厚朴

一尺

炙

杏仁

一升。去皮尖。別作脂。

右六味〔炙〕蜜和丸。如梧桐子大。飲服十丸。日三服。漸加。以知爲度。

二四八 太陽病三日。發汗不解。蒸蒸發熱者。屬胃也。調胃〔芩〕承氣湯主之。三

十二。用前第一方

二四九 傷寒吐後。腹脹滿者。與調胃承氣湯。三十三。用前第一方

二五〇 太陽病。若吐若下若發汗後。微煩。小便數。大便因鞭者。與小承氣湯。

和之愈。三十四。用前第二方

二五一 得病二三日。脈弱。無太陽柴胡證。煩躁心下鞭。至四五日。雖能食。以

小承氣湯。少少與微和之。令小安。至六日。與承氣湯一升。若不大便六

七日。小便少者。雖不受〔天〕食大便云。不但初頭鞭。後必溏。未定成鞭。攻

之必溏。須小便利。屎定鞭。乃可攻之。宜大承氣湯。〔五〕三十五。用前第二方

二五二 傷寒六七日。目中不了了。睛不和。無表裏證。大便難。身微熱者。此為

實也。急下之。宜大承氣湯。三十六。用前第二方

二五三 陽明病。發熱汗多者。急下之。宜大承氣湯。三十七。用前第二方。云。大柴胡湯。

二五四 發汗不解。腹脹滿者。急下之。宜大承氣湯。三十八。用前第二方

二五五 腹滿不減。減不足言。當下之。宜大承氣湯。三十九。用前第二方

二五六 陽明少陽合病。必下利。其脈不負者。爲順也。負者。失也。互相剋賊。名爲負也〔六〇〕。脈滑而數者。有宿食也。當下之。宜大承氣湯。四十。

用前第二方

二五七 病人無表裏證。發熱七八日。雖脈浮數者。可下之。假令已下。脈數不解。合熱則消穀喜〔六一〕飢。至六七日。不大便者。有瘀血。宜抵當湯。四

十一。用前第二十四方

二五八 若〔六二〕脈數不解。而下不止。必協熱便膿血也。

二五九 傷寒發汗已。身目爲黃。所以然者。以寒溼〔六三〕一作溫在裏不解故也。以爲不可下也。於寒溼中求之。

二六〇 傷寒七八日〔六五〕。身黃如橘子色。小便不利。腹〔六六〕微滿者。茵陳蒿湯主之。四十二。用前第二十三方

二六一 傷寒身黃發熱。梔子蘘皮湯主之。方四十三。

肥梔子

十五箇

甘草

一兩

黃蘗

二兩

右三味。以水四升。煮取一〔六〕升半。去滓。分溫再服。

二六二 傷寒瘀熱在裏。身必黃〔六〕。麻黃連軹赤小豆湯主之。方四十四。

麻黃二兩。去節。

連軹二兩。連翹根是。

杏仁四十箇。去皮尖。

赤小豆一升。

大棗十二枚。

生梓白皮切。一升。

生薑二兩。切。

甘草二兩。炙。

右八味。以潦〔七〕水一斗。先煮麻黃再沸。去上沫。內諸藥。煮取三升。去滓。分溫三服。半日服盡。

### 校釋

- 〔一〕「少陽」，玉函經、千金翼均作「微陽」，「胃中燥煩實」，均作「胃中燥」，無「煩實」二字。
- 〔二〕成無己本無「是」字，玉函經冠此條於篇首。
- 〔三〕玉函經作「不惡熱」，千金翼方無「不」字。
- 〔四〕玉函經、千金翼、成無己本均無「主」字。
- 〔五〕「傷寒發熱」句以下，成無己本析為另條。
- 〔六〕太陰篇亦有此文。
- 〔七〕澗，側入切，音戢，和也。

〔八〕癢，何加切，音遐，又與瑕通，又讀如賈，腹中久病也。

〔九〕奄，讀如淹，須臾也。

〔一〇〕瘧，丁可切，音禪，又得爛切，音且，黃病、勞病也。

〔一一〕玉函經作「各陽明」，千金翼作「冬陽明」。

〔一二〕同一註。

〔一三〕「色赤」，玉函經、成本均作「赤色」，「必發熱」句上，有「攻之」二字，「色黃」下

無「者」字。

〔一四〕「外未解也」句下，千金、外臺並有「桂枝湯主之」五字，「勿令至大泄下」句，成無已本無「至」字，外臺祕要作「致」，千金方作「勿令大下」。

〔一五〕外臺祕要無「酒洗」二字。

〔一六〕「分溫二服」句下，外臺祕要作「一服得利，譴語止，勿服之。」千金翼作「初服譴語即止，服湯當更衣，不爾盡服之。」

〔一七〕玉函經作「矢氣」。

〔一八〕玉函經作「其後發潮熱」。

〔一九〕「鄭聲者，重語也」六字，外臺祕要只作細字旁註，非正文，「直視」句下，玉函經、成無已本均析爲另條。

〔二〇〕玉函經作「發汗多，重發其汗，若已下復發其汗，亡其陽。」

〔二一〕「所」，玉函作「時」。

〔二二〕「撲牀」，玉函作「撮空」。「惕而」作「怵惕」。

【二三】脈經「蠶語」下無「者」字。

【二四】脈經、千金翼均作「承氣湯主之」，無「小」字。

【二五】成無己本作「轉矢氣」，玉函經作「轉矢氣」。

【二六】玉函經作「大承氣湯主之」，無「宜」字，脈經作「宜承氣湯下之」，無「大」字。

【二七】玉函、脈經、千金翼「刺」字上均有「當」字。

【二八】成無己本作「瀉」字。

【二九】「者」，成無己本作「之」。

【三〇】「下之愈」句，玉函經作「下之則愈」。

【三一】滿，日人山田正珍傷寒論集成云：「滿，同瀆，悶也。」

【三二】「面垢」上，玉函經，成無己本均有「而」字，「面垢」二字，千金翼作「言語向經」四字。

字。「蠶語」下，玉函經有「甚」字。

【三三】成無己本作「燒鍼」。

【三四】玉函經及醫宗金鑑，緊接上條「梔子豉湯主之」句下，合爲一條。

【三五】玉函、千金翼並無「加人參」三字。

【三六】玉函經、醫宗金鑑緊接上條「白虎加人參湯主之」句下，合爲一條。

【三七】脈經於本條句首冠有「陽明病」三字，千金翼無「若」字。

【三八】「與小柴胡湯」句，玉函經，成無己本、仲景全書均作「小柴胡湯主之」。

【三九】玉函、成無己本「目」上有「面」字。

【四〇】本條成無己本、玉函經均緊接上條「與小柴胡湯」句下，合爲一條。

〔四一〕玉函經、脈經均無此「大」字。

〔四二〕玉函、成本、千金翼均僅爲「蜜」一字。

〔四三〕玉函經、成無己本「微火煎」，均作「微火煎之」，「當須凝如飴狀」，均作「稍凝如飴狀」。

〔四四〕「欲可丸」，玉函經、成無己本作「俟可丸」。

〔四五〕「疑非」以下九字，玉函經、成無己本均無。

〔四六〕「和少許法醋」句，玉函經、成無己本均爲「和醋少許」。「穀道內」均作「穀道中」，「宿食」以下六字，成無己本無。

〔四七〕「無汗而喘者」句，玉函經、千金翼並作「脈浮無汗，其人必喘」，無「而」字和「者」字。

〔四八〕玉函經、千金翼「劑」，均作「齊」，無「蒿」字，成無己亦無「蒿」字。

〔四九〕「一斗二升」、金匱、玉函經、成無己本、仲景全書均作「一斗」，「減六升」句下，時後方、千金方、外臺祕要均有「去滓」二字，「分三服」句，金匱、玉函、成無己本均爲「分溫三服」。

〔五〇〕「喜忘」外臺作「善忘」，「其色必黑者」句，玉函、成無己本均無「者」字，「宜抵當湯下之」句，玉函經作「抵當湯主之」。

〔五一〕「又」字，玉函經作「復」字。

〔五二〕「宜下之」，「宜發汗」句，玉函經作「當下之」「當發汗」。「與」字作「宜」字。

〔五三〕「欲嘔」句下，玉函經、成無己本均有「者」字。

〔五四〕「七升」，金匱、外臺均作「五升」。

〔五五〕「陽脈實」句以下，成無己本析爲另條。

〔五六〕「右六味」句下，玉函經，成無己本均有「末，煉蜜」三字。

〔五七〕脈經無「調胃」二字。

〔五八〕「受」，玉函經，成無己本、仲景全書均作「能」，千金翼作「不大便」。

〔五九〕「大承氣湯」句，千金翼作「承氣湯」。

〔六〇〕「名爲負也」句，玉函經作「名爲負」，「脈滑而數者」句作「若滑而數者」。

〔六一〕「喜」，玉函經作「善」。

〔六二〕本條玉函經、千金翼與上條緊接，合爲一條。

〔六三〕「寒溼」下，玉函經有「相搏」二字。

〔六四〕「以爲不可下也」句，玉函經作「以爲非瘀熱而不可下」末句「於」字上有「當」字。

〔六五〕「傷寒七八日」句下，千金方有「內實瘀熱結」五字。

〔六六〕玉函「腹」字上有「少」字。

〔六七〕玉函經，成無己本、仲景全書均無此「肥」字，並作「十四枚」。

〔六八〕千金翼作「二升」。

〔六九〕玉函經，成無己本、仲景全書作「身必發黃」。

〔七〇〕「軀」，千金方、千金翼均作「翹」。

〔七一〕李時珍云：「溲水乃雨水所積。」



辨少陽病脈證并治

二六三 少陽之爲病。口苦咽乾目眩也。

二六四 少陽中風。兩耳無所聞。目赤。胸中滿而煩者。不可吐下。吐下則悸而驚。

二六五 傷寒。脈弦細。頭痛發熱者。屬少陽。少陽不可發汗。發汗則讞語。此屬胃。胃和則愈。胃不和。煩而悸。〔一〕一云躁。

二六六 本〔三〕太陽病不解。轉入少陽者。脅下鞭滿。乾嘔不能食。往來寒熱。尙未吐下脈沈緊者。與小柴胡湯。方一。

柴胡

八兩

人參

三兩

黃芩

三兩

甘草

三兩

半夏

半升

生薑

三兩切

大棗

十二枚

右七味。以水一斗二升。煮取六升。去滓。再煎取三升。溫服一升。日

三服。

二六七 若「三」已吐下發汗溫針。譏語。柴胡證罷。此爲壞病。知犯何逆。以法治

之。

二六八 三陽合病。脈浮大。上關上。但欲眠睡。「四」目合則汗。

二六九 傷寒六七日。無大熱。其人躁煩者。此爲陽去入陰故也。

二七〇 傷寒三日。三陽爲盡。三陰當受邪。其人反能食而不嘔。此爲三陰不受邪也。

二七一 傷寒三日。少陽脈小者。欲已也。

二七二 少陽病欲解時。從寅至辰上

### 校釋

〔一〕玉函經、成無己本「煩而悸」上有「則」字。

〔二〕玉函、千金翼均無「本」字。

〔三〕本條玉函、千金翼均與上條緊接，合爲一條。

〔四〕「眠睡」，玉函、千金翼均作「寐」。

辨太陰病脈證并治

二七三 太陰之爲病。腹滿而吐。食不下。自利益甚。〔二〕時腹自痛。若下之。必

胸下結〔三〕鞭。

二七四 太陰中風。四肢煩疼。陽微陰濇而長者。爲欲愈。

二七五 太陰病。欲解時。從亥至丑上。

二七六 太陰病。脈浮者。可發汗。宜桂枝湯。方一。

桂枝

三兩  
去皮

芍藥

三兩

甘草

二兩  
炙

生薑

三兩  
切

大棗

十二枚  
擘

右五味。以水七升。煮取三升。去滓。溫服一升。須臾啜熱稀粥一升。以助藥力。溫覆取汗。

二七七 自利不渴者。屬太陰。以其藏有寒故也。當溫之。宜服〔三〕四逆輩〔四〕。

二。

二七八 傷寒脈浮而緩。手足自溫者。繫在太陰。太陰當發身黃。若小便利者。

不能發黃。至七八日。雖暴煩下利日十餘行。必自止。以脾家實。腐穢當去故也。

二七九

本太陽病。醫反下之。因爾腹滿時痛者。屬太陰也。桂枝加芍藥湯主之。大實痛者。〔五〕桂枝加大黃湯主之。三。

桂枝加芍藥湯方

桂枝三兩  
去皮

芍藥六兩

甘草二兩  
炙

大棗十二枚  
擘

生薑三兩  
切

右五味。以水七升。煮取三升。去滓。溫分三服。本云桂枝湯。今加芍藥。

桂枝加大黃湯方

桂枝三兩  
去皮

大黃二兩〔六〕

芍藥六兩

生薑三兩  
切

甘草二兩  
炙

大棗十二枚  
擘

右六味。以水七升。煮取三升。去滓。溫服一升。日三服。

二八〇

太陰爲病。脈弱。其人續自便利。設當行大黃芍藥者。宜減之。以其人胃氣弱易動故也。

下利者先煎芍藥三沸〔七〕

校釋

〔一〕「自利益甚」，脈經、千金翼方作「下之益甚」，無「若下之，必」四字。

〔二〕「結」，玉函經作「痞」。

〔三〕玉函經、千金翼無此「服」字。

〔四〕「葷」，脈經作「湯」。

〔五〕「大實痛者」句以下，本無己本折爲別條。

〔六〕玉函經作「三兩」，成無己本作「一兩」。

〔七〕成無己本並無九字注文。

辨少陰病脈證并治

二八一 少陰之爲病。脈微細。但欲寐也。

二八二 少陰病。欲吐不吐。心煩但欲寐。五六日自利而渴者。屬少陰也。虛故引水自救。若小便色白者。少陰病形悉具。小便白者。以下焦虛有寒。不能制水。故令色白也。

二八三 病人脈陰陽俱緊。反汗出者。亡陽〔一〕也。此屬少陰。法當咽痛而復吐利。

二八四 少陰病。欬而下利譫語者。被火氣劫故也。小便必難。以強責少陰汗也。

二八五 少陰病。脈細沈數。病爲在裏。不可發汗。

二八六 少陰病。脈微。不可發汗。亡陽〔二〕故也。陽已虛。尺脈弱瀋者。復不可下之。

二八七 少陰病。脈緊。至七八日。自下利。脈暴微。手足反溫。脈緊反去者。爲

欲解也。雖煩下利。必自愈。

二八八 少陰病下利。若利自止。惡寒而踈〔三〕臥。手足溫者。可治。

二八九 少陰病惡寒而踈。時自煩。欲去衣被者。可治。〔四〕

二九〇 少陰中風。脈陽微陰浮者。爲欲愈。

二九一 少陰病欲解時。從子至寅上。〔五〕

二九二 少陰病。吐利。手足不逆冷。反發熱者。不死。脈不至〔六〕者。至一作足灸少

陰七壯。

二九三 少陰病。八九日。一身手足盡熱者。以熱在膀胱。必便血也。

二九四 少陰病。但厥無汗。而強發之。必動其血。未知從何道出。或從口鼻。或

從目出者。〔七〕是名下厥上竭。爲難治。

二九五 少陰病。惡寒身踈而利。手足逆冷者。不治。

二九六 少陰病。吐利躁煩。四逆者。死。

二九七 少陰病。下利止。而頭眩。時時自冒者。死。

二九八 少陰病。四逆惡寒而身踈。脈不至。不煩而躁者。死。

一作吐利而躁逆者死

二九九 少陰病。六七日。息高者。死。

三〇〇 少陰病。脈微細沈。但欲臥。汗出不煩。自欲吐。至五六日。自利。復煩。躁不得臥寐者。死。

三〇一 少陰病。始得之。反發熱。脈沈者。麻黃細辛附子湯〔八〕主之。方一。

麻黃

二兩  
去節

細辛

二兩

附子

一枚。炮。去  
皮。破八片。

右三味。以水一斗。先煮麻黃。減二升。去上沫。內諸藥。煮取三升。去滓。溫服一升。日三服。

三〇二 少陰病。得之二三日。麻黃附子甘草湯。微發汗。以二三日無〔九〕證。故微發汗也。方二。

麻黃

二兩  
去節

甘草

二兩

附子

一枚。炮。去  
皮。破八片。

右三味。以水七升。先煮麻黃二兩沸。去上沫。內諸藥。煮取三升。去滓。溫服一升。日三服。



三〇三 少陰病。得之二三日以上。心中煩。不得臥。黃連阿膠湯主之。方三。

黃連

四兩

黃芩

二兩

芍藥

二兩

雞子黃

二枚

阿膠

三兩

〔三〕

一云三莖

右五味。以水六升。〔三〕先煮三物。取二升。去滓。內膠烱盡。小冷。

內雞子黃。攪令相得。溫服七合。日三服。

三〇四 少陰病得之一二日。口中和。其背惡寒者。當灸之。附子湯主之。方四。

附子

二枚。炮。去皮。破八片。

茯苓

三兩

人參

二兩

白朮

四兩

芍藥

三兩

右五味。以水八升。煮取三升。去滓。溫服一升。日三服。

三〇五 少陰病。身體痛。手足寒。骨節痛。脈沈〔三〕者。附子湯主之。

五。用前第  
四方

三〇六 少陰病。下利便膿血者。桃花湯主之。方六。

赤石脂

一斤。一半全用。一半篩末。

乾薑

一兩

粳米

一升

右三味。以水七升。煮米令熟。去滓。温服七合。内赤石脂末方寸匕。日三服。若一服愈。餘勿服。

三〇七 少陰病。二三日至四五日。腹痛。小便不利。下利不止。便膿血者。桃花

湯主之。七。

用前第六方

三〇八 少陰病。下利便膿血者。可刺。

三〇九 少陰病。吐利。手足逆冷。煩躁欲死者。吳茱萸湯主之。方八。

吳茱萸

一升

人參

二兩

生薑

六兩切

大棗

十二枚

右四味。以水七升。煮取二升。去滓。温服七合。日三服。

三一〇 少陰病。下利咽痛。胸滿心煩。猪膚湯主之。方九。

猪膚

一斤

右一味。以水一斗。煮取五升。去滓。加白蜜一升。白粉五合。熬香。和令相得。温分六服。

三二 少陰病。二三日咽痛者。可與甘草湯。不差〔二六〕。與桔梗湯。十。

甘草湯方

甘草 二兩

右一味。以水三升。煮取一升半。去滓。溫服七合。日二服。

桔梗湯方

桔梗 一兩 甘草 二兩

右二味。以水三升。煮取一升。去滓。溫〔二七〕分再服。

三二 少陰病。咽中傷生瘡。不能語言。聲不出者。苦酒〔二八〕湯主之。方十一。

半夏

〔二九〕洗。破如棗核。十四枚。

雞子

一枚。去黃。內上〔三〇〕苦酒。着〔三一〕雞子壳中。

右二味。內半夏。著〔三二〕苦酒中。以雞子殼置刀環中。安火上。令三沸。去滓。少少含嚥之。不差。更作三劑。〔三三〕

三三 少陰病。咽中痛。半夏散及湯主之。方十二。

半夏洗 桂枝去皮 甘草炙

右三味。等分。各別擣篩已。合治之。白飲和。服方寸匕。日三服。若不能散服者。以水一升。煎七沸。內散兩方寸匕。更煮三沸。下火令小冷。少少嚥之。〔四〕半夏有毒。不當散服。

三四 少陰病。下利。白通湯主之。方十三。

葱白四莖 乾薑一兩 附子一枚。生。〔五〕  
去皮。破八片。

右三味。以水三升。煮取一升。去滓。分溫再服。

三五 少陰病。下利脈微者。與白通湯。利不止。厥逆無脈。乾嘔煩者。白通加豬膽汁湯主之。服湯脈暴出者死。微續者生。白通加豬膽湯方十

四。白通湯。  
用上方。

葱白四莖 乾薑一兩 附子一枚。生。去  
皮。破八片。 人尿五合 猪膽汁一合

右五味。以水三升。煮取一升。去滓。內膽汁人尿。和令相得。分溫再服。若無胆。亦可用。

三二六 少陰病。二三日不已。至四五日。腹痛。小便不利。四肢沈重疼痛。自下利者。此爲有水氣。其人或欬。或小便利。或下利。或嘔者。眞〔卷〕武湯主之。方十五。

茯苓

三兩

芍藥

三兩

白朮

二兩〔毛〕

生薑

三兩切

附子

一枚。炮。去皮。破八片。

右五味。以水八升。煮取三升。去滓。溫服七合。日三服。若欬者。加五味子半升。細辛一兩。乾薑一兩。若小便利者。去茯苓。若下利者。

去芍藥。加乾薑二兩。若嘔者。去附子加生薑。足前爲半斤。〔卷〕

三二七 少陰病。下利清穀。裏寒外熱。手足厥逆。脈微欲絕。身反不惡寒。其人面色赤。或腹痛。或乾嘔。或咽痛。或利止脈不出者。通脈四逆湯主之。方十六。

甘草

二兩

附子

大者一枚。生用。去皮。破八片。

乾薑

三兩。強人。可四兩。

右三味。以水三升。煮取一升二合。去滓。分溫再服。其脈卽出者愈。  
面色赤者。加葱九莖。腹中痛者。去〔三〕葱。加芍藥二兩。嘔者。加生薑二兩。咽痛者。去芍藥。加桔梗一兩。利止脈不出者。去桔梗。加人參二兩。病皆與方相應者。乃服之。

三二八 少陰病。四逆。其人或欬。或悸。或小便不利。或腹中痛。或泄利下重者。四逆散主之。方十七。

甘草

炙

枳實

破。水漬。炙乾。

柴胡 芍藥

右四味。各十分。搗篩。白飲和。服方寸匕。日三服。欬者。加五味子乾薑各五〔三〕分。並主下利。悸者。加桂枝五分。小便不利者。加茯苓五分。腹中痛者。加附子一枚。炮令坼。〔三〕泄利下重者。先以水五升。煮薤白三升。煮取三升。去滓。以散三方寸匕。內湯中。煮取一升半。分溫再服。

三二九 少陰病。下利六七日。欬而嘔渴。心煩不得眠者。豬苓湯主之。方十八。

猪苓去皮

茯苓

阿膠

澤瀉

滑石

各一兩

右五味。以水四升。先煮四物。取二升。去滓。內阿膠烱盡。溫服七合。日三服。

十三〇 少陰病。得之二三日。口燥咽乾者。急下之。宜大承氣湯。方十九。

枳實

五枚

厚朴

半斤。去皮。炙。

大黃

四兩。酒洗。

芒消

三合

右四味。以水一斗。先煮二味。取五升。去滓。內大黃。更煮取二升。去滓。內芒消。更上火。令一兩沸。分溫再服。一服得利。止後服。

十三一 少陰病。自利清水。色純青。心下必痛。口乾燥者。可下之。宜大承氣湯。〔三〕二十。用前第十九方。一法用大柴胡。

十三二 少陰病。六七日。服脹〔三〕不大便者。急下之。宜大承氣湯。二十

十三三 少陰病。脈沈者。急溫之。宜四逆湯。方二十二。

一。用前第十九方

甘草二兩

乾薑一兩

附子

一枚。生用。去  
皮。破八片。

右三味。以水三升。煮取一升二合。去滓。分溫再服。強人可大附子一枚。乾薑三兩。

三二四 少陰病。飲食入口則吐。心〔言〕中溫溫欲吐。復不能吐。始得之。手足寒。脈弦遲者。此胸中實。不可下也。當吐之。若膈上有寒飲。乾嘔者。不可吐也。當溫之。宜四逆湯。二十三。方依上法

三三五 少陰病。下利。脈微瀼。嘔而汗出。必數更衣。反少者。當溫其上。灸之。脈經云。灸厥陰可五十壯。

### 校釋

〔一〕「亡陽」，脈經作「無陽」。

〔二〕「亡陽」，脈經，千金翼均作「無陽」。

〔三〕踏，音權，楚辭：「踏踳兮寒局數」，注：「踏踳，僵僕也。」

〔四〕千金翼作「不可治」。



〔五〕玉函經作「從子盡貢」。

〔六〕千金翼作「足」，與原注同。

〔七〕成無已本無此「者」字。

〔八〕玉函經、成無已本、仲景全書均爲「麻黃附子細辛湯」。

〔九〕玉函經、成無已本、仲景全書均作「無裏證」。

〔一〇〕玉函經、成無已本、千金翼、外臺祕要均作「一兩」。

〔一一〕千金翼方作「三挺」，外臺祕要作「三片」。

〔一二〕玉函經、成無已本均作「五升」。

〔一三〕玉函經注云：「沈，一作微。」

〔一四〕成無已本作「厥冷」。

〔一五〕「心煩」下，成無已本有「者」字。

〔一六〕「不差」下，玉函經、成無已本有「者」字。

〔一七〕玉函經、成無已本、千金翼均作「分溫」。

〔一八〕活人書：「苦酒，米醋是也。」

〔一九〕玉函經、成無已本均爲「破如棗核大」。

〔二〇〕玉函經無「上」字，千金翼作「上好苦酒」。

〔二一〕「着」，玉函經作「於」。

〔二二〕玉函經無「着」字。

〔二三〕玉函經無「三劑」二字。

【二四】玉函經、成無己本均無此八字。

【二五】玉函經、成無己本均爲「生用」。

【二六】千金要方、千金翼方均作「玄武湯」。

【二七】外臺祕要作「三兩」。

【二八】「足前爲半斤」句下，千金翼方更有「利不止，便膿血者，宜桃花湯」十一字。

【二九】玉函經並無「去葱」「去芍藥」「去桔梗」等字，桔梗作二兩，復無「病皆」以下十字。

【三〇】柯韻伯云：「加味俱用五分，而附子一枚，薤白三升，何多寡不同若是，不能不疑於叔和編集之誤耳。」

【三一】坼，恥格切，音折，裂也。

【三二】玉函經、成無己本爲「急下之」。

【三三】「宜大承氣湯」句，脈經作「屬大柴胡湯大承氣湯證」。

【三四】「腹脹」，脈經、千金要方、千金翼方作「腹滿」。

【三五】「心中溫溫」，玉函經作「心下嗝嗝」，千金方作「慍慍」。

辨厥陰病脈證并治

三二六 厥陰之爲病。消渴。氣上撞心。心中疼熱。飢而不欲食。食則吐蚘。〔二〕  
下之利不〔三〕止。

三二七 厥陰中風。脈微浮爲欲愈。不浮爲未愈。

三二八 厥陰病。欲解時。從丑至卯上。

三二九 厥陰病。渴欲飲水者。少少與之愈。

三三〇 諸〔三〕四逆厥者。不可下之。虛家亦然。

三三一 傷寒先厥後發熱而利者。必自止。見厥復利。

三三二 傷寒始發熱六日。厥反九日而利。凡厥利者。當不能食。今反能食者。恐  
爲除中。一云消中食以索餅。不發熱者。知胃氣尙在。必愈。恐暴熱來出而復

去也。後〔四〕日脈之。其熱續在者。期之且日夜半愈。所以然者。〔五〕本  
發熱六日。厥反九日。復發熱三日。並前六日。亦爲九日。與厥相應。故  
期之且日夜半愈。後三日脈之。而脈數。其熱不罷者。此爲熱氣有餘。必

發癰膿也。

三三三 傷寒脈遲六七日。而反與黃芩湯徹其熱。脈遲爲寒。今與黃芩湯。復除其熱。腹中應冷。當不能食。今反能食。此名除中。必死。

三三四 傷寒先厥後發熱。下利必自止。而反汗出。咽中痛者。其喉爲痺。發熱無汗。而利必自止。若不止。必便膿血。便膿血者。其喉不痺。

三三五 傷寒一二日至四五日厥者。〔六〕必發熱。前熱者後必厥。厥深者熱亦深。厥微者熱亦微。厥應下之。而反發汗者。必口傷爛赤。

三三六 傷寒病。厥五日。熱亦五日。設六日。當復厥。不厥者自愈。厥終不過五日。以熱五日。故知自愈。

三三七 凡厥者。陰陽氣不相順接。便爲厥。厥者。手足逆冷者〔七〕是也。

三三八 傷寒脈微而厥。至七八日膚冷。其人躁無暫安時者。此爲藏厥。非蚘厥也。蚘厥者。其人當吐蚘。令〔八〕病者靜。而復時煩者。此爲藏寒。蚘上入其膈。故煩。須臾復止。得食而嘔。又煩者。蚘聞食臭出。其人常自吐蚘。蚘厥者。烏梅丸主之。又主久利。〔九〕方一。

烏梅三百枚

細辛六兩

乾薑十兩

黃連十六兩

當歸四兩

附子六兩 去皮

炮二

蜀椒四兩 出汗

桂枝六兩 去皮

人參六兩

黃蘗六兩

右十味。異擣篩。合治之。以苦酒漬烏梅一宿。去核。蒸之五斗米下。

飯熟擣成泥。和藥令相得。內臼中。與蜜杵二千下。丸如梧桐子大。先

食飲服十丸。日三服。稍加至二十丸。禁生冷滑物臭食等。

三三九 傷寒熱少微厥。〔二〕指一作稍頭寒。嘿嘿不欲食。煩躁。數日小便利。色白

者。此熱除也。欲得食。其病為愈。若厥而嘔。胸脅煩滿者。其後必便血。

三四〇 病者手足厥冷。言我不結胸。小腹滿。按之痛者。此冷結在膀胱關元

也。

三四一 傷寒發熱四日。厥反三日。復熱四日。厥少熱多者。其病當愈。四日至七

日。熱不除者。必便膿血。〔三〕

三四二 傷寒厥四日。熱反三日。復厥五日。其病為進。寒多熱少。陽氣退。故為

進也。

三四三 傷寒六七日。脈微。〔二〕手足厥冷。煩躁。灸厥陰。厥不還者。**死**。

三四四 傷寒發熱。下利厥逆。躁不得臥者。死。

三四五 傷寒發熱。下利至甚。厥不止者。死。〔二〕

三四六 傷寒六七日不利。便發熱〔二〕而利。其人汗出不止者。死。有陰無陽故也。

也。

三四七 傷寒五六日。不結胸。腹濡。脈虛復厥者。不可下。此亡血。〔二〕下之

死。

三四八 發熱〔二〕而厥。七日下利者。為難治。

三四九 傷寒脈促。手足厥逆可灸之〔二〕促。一作縱。

三五〇 傷寒脈滑而厥者。裏有熱。〔二〕白虎湯主之。方二。

知母 六兩

石膏 一斤。碎。

甘草 二兩

粳米 六合

右四味。以水一斗。煮米熟。湯成去滓。溫服一升。日三服。

三五一 手足厥寒。脈細欲絕者。〔二〕當歸四逆湯主之。方三。

當歸 三兩 桂枝 三兩 去皮 芍藥 三兩 細辛 三兩 〔三〕 甘草 二兩 炙

通草 二兩 大棗 二十五枚 一法 十二枚 擘

右七味。以水八升。煮取三升。去滓。温服一升。日三服。

三五二 若其人內有久寒者。宜當歸四逆加吳茱萸生薑湯。方四。

當歸 三兩 芍藥 三兩 甘草 二兩 炙 通草 二兩 桂枝 三兩 去皮 細辛 三兩

生薑 半斤 切 吳茱萸 二升 〔三〕 大棗 二十五枚 擘

右九味。以水六升。清酒六升和。煮取五升。去滓。温分五服。 一方。酒水各四升。

三五三 大汗出。熱不去。內〔三〕拘急。四肢疼。又〔四〕下利厥逆而惡寒者。四逆

湯主之。方五。

甘草 二兩 炙 乾薑 一兩 半 附子 一枚 生用 去皮 破八片 去

右三味。以水三升。煮取一升二合。去滓。分温再服。若強人可用大附

子一枚。乾薑三兩。

三五四

大汗若大下利而脈冷者。四逆湯主之。六。用前第五方

三五五

病人手足厥冷。脈乍緊〔三〕者。邪結在胸中。心下滿而煩。飢不能食者。病在胸中。當須吐之。宜瓜蒂散。方七。

### 瓜蒂 赤小豆

右二味。各等分。異擣篩。合內臼中。更治之。別以香豉一合。用熱湯七合。煮作稀糜。去滓。取汁和散一錢匕。溫頓服之。不吐者。少少加。得快吐乃止。諸亡血虛家。不可與瓜蒂散。

三五六

傷寒厥而心下悸。〔六〕宜先治水。當服〔七〕茯苓甘草湯。却治其厥。不爾。水漬入胃。必作利也。茯苓甘草湯方八。

茯苓二兩

甘草一兩

生薑三兩

桂枝二兩

右四味。以水四升。煮取二升。去滓。分溫三服。



三五七 傷寒六七日。大下後。寸脈沈而遲。〔二六〕手足厥逆。下部脈不至。喉咽〔二五〕

不利。唾膿血。泄利不止者。爲難治。麻黃升麻湯主之。方九。

麻黃二兩半。去節。

升〔三〕麻一兩一分

當歸一兩一分

知母十八

黃芩十八

姜蕤十八。作薑蕤。

芍藥六

天門冬六。去心。

桂枝六。去皮。

茯苓六

甘草六。炙。

石膏六。碎。

白朮六

乾薑六

右十四味。以水一斗。先煮麻黃一兩沸。去上沫。內諸藥。煮取三升。

去滓。分溫三服。相去如炊三斗米頃。令盡。汗出愈。

三五八 傷寒四五日。腹中痛。若轉氣下趣〔三〕少腹者。此欲自利也。

三五九 傷寒本自寒下。醫復吐下〔三〕之。寒格更逆吐下。若食入口卽〔三〕吐。乾

薑黃芩黃連人參湯主之。方十。

乾薑

黃芩

黃連

人參各三兩

右四味。以水六升。煮取二升。去滓。分溫再服。

三六〇 下利有微熱而渴。脈弱者。今〔三〕自愈。

三六一 下利脈數。有微熱汗出。今〔三〕自愈。設復緊。爲未解。一云設脈浮復緊

三六二 下利手足厥冷。無脈者。灸之。不溫。若脈不還。反微喘者死。少陰〔三〕

負跌陽者。爲順也。

三六三 下利。寸脈反浮數。尺中自瀋者。必清膿血。

三六四 下利清穀。不可攻表。汗出必脹滿。

三六五 下利脈沈弦者。下重也。脈大者。爲未止。脈微弱數者。爲欲自止。雖發

熱不死。

三六六 下利脈沈而遲。其人面少赤。身有微熱。下利清穀者。必鬱冒汗出而解。

病人必微厥。所以然者。其面戴陽。下虛故也。

三六七 下利脈數而渴者。今自愈。設不差。必清膿血。以有熱故也。

三六八 下利後脈絕。手足厥冷。晬時脈還。手足溫者生。脈不還者死。〔三〕

三六九 傷寒下利日十餘行。脈反實者死。

三七〇 下利清穀。裏寒外熱。汗出而厥者。通脈四逆湯主之。方十一。

甘草二兩

附子

大者一枚。生。去皮。破八片。

乾薑

三兩。引。可四兩。

三七一  
右三味。以水三升。煮取一升二合。去滓。分溫再服。其脈即出者愈。  
熱利下重者。白頭翁湯主之。方十二。

白頭翁

二兩〔无〕

黃蘗

三兩

黃連

三兩

秦皮

右四味。以水七升。煮取二升。去滓。溫服一升。不愈。更服一升。

三七二

下利腹脹滿。身體疼痛者。先溫其裏。乃攻其表。溫裏宜四逆湯。攻表宜

桂枝湯。十三。四逆湯用前第五方

桂枝湯方

桂枝

三兩

芍藥

三兩

甘草

二兩

生薑

三兩

右五味。以水七升。煮取三升。去滓。溫服一升。須臾啜熱稀粥一升。

以助藥力。

三七三 下利欲飲水者。以有熱故也。〔云〕白頭翁湯主之。十四。用前第  
十二方  
三七四 下利讞語者。有燥屎也。宜小承氣湯。方十五。

大黃

四兩  
酒洗

枳實

三枚  
炙

厚朴

二兩  
去  
皮  
炙

右三味。以水四升。煮取一升二合。去滓。分二服。初一服讞語止。若  
更衣者。停後服。不爾。盡服之。

三七五 下利後更煩。按之心下濡者。爲虛煩也。宜梔子豉湯。方十六。

肥梔子

十四  
箇

香豉

四合  
綿裹

右二味。以水四升。先煮梔子。取二升半。內豉。更煮取一升半。去  
滓。分再服。一服得吐。止後服。

三七六 嘔家有癰膿者。不可治嘔。膿盡自愈。

三七七 嘔而脈弱。小便復利。身有微熱。見厥者難治。四逆湯主之。十

七。用前第  
五方

三七八 乾嘔吐涎沫。頭痛者。吳茱萸湯主之。方十八。

吳茱萸

一升湯洗七遍

人參

三兩

大棗

十二枚擘

生薑

六兩切

右四味。以水七升。煮取二升。去滓。溫服七合。日三服。

三七九 嘔而發熱者。小柴胡湯主之。方十九。

柴胡

八兩

黃芩

三兩

人參

三兩

甘草

三兩炙

生薑

三兩切

半夏

半升洗

大棗

十二枚擘

右七味。以水一斗二升。煮取六升。去滓。更煎取三升。溫服一升。日

三服。

三八〇 傷寒大吐大下之。極虛。復極汗者。其人外氣怫鬱。〔四〕復與之水。以發其汗。因得嘔。所以然者。胃中寒冷故也。

三八一 傷寒嘔而腹滿。視〔四〕其前後。知何部不利。利之即〔四〕愈。

校釋

- 〔一〕玉函經爲「甚者食則吐衄」。
- 〔二〕玉函經、脈經、千金翼均作「下之不肯止」。
- 〔三〕玉函經從本條以下至篇末，別爲一篇，題曰「辨厥利嘔噦病形證治第十」。
- 〔四〕玉函經、成無己本均作「後三日脈之」。
- 〔五〕「所以然者」句以下，至「故期之且日夜半愈」句止，共三十八字，玉函經無。
- 〔六〕玉函經、成無己本作「傷寒一二日至四五日而厥者」。
- 〔七〕玉函經成無己本無此「者」字。
- 〔八〕玉函經作「今」。
- 〔九〕玉函經無「又主久利」四字，千金翼方僅作成旁注。
- 〔一〇〕方有執本作六枚。
- 〔一一〕玉函經、成無己本作「厥微」。
- 〔一二〕成無己本作「其後必便膿血」。
- 〔一三〕「脈微」，千金翼方作「其脈數」。
- 〔一四〕玉函經無此條。
- 〔一五〕「不利」，玉函作「不利」，「便發熱」作「忽發熱」。
- 〔一六〕「此亡血」，玉函經、成無己本均作「此爲亡血」。

- 〔一七〕「發熱」上，玉函經、千金翼方均冠有「傷寒」二字。  
 〔一八〕玉函經，成無己本、仲景全書均作「厥逆者可灸之」。  
 〔一九〕玉函經，成無己本、仲景全書「熱」下均有「也」字。  
 〔二〇〕「脈細欲絕者」，玉函、千金翼均作「脈爲之細絕」。  
 〔二一〕玉函作「一兩」。  
 〔二二〕玉函、千金翼均作「二兩」。  
 〔二三〕千金翼方無「內」字。  
 〔二四〕脈經無「又」字，千金翼方作「若」字。  
 〔二五〕辨可吐篇，千金翼方「乍緊」均作「乍結」。  
 〔二六〕「心下悸」下，玉函、成本、仲景全書俱有「者」字。  
 〔二七〕「服」，玉函作「與」。  
 〔二八〕千金翼無「寸」字。玉函無「而」字。  
 〔二九〕玉函經，成無己本均作「咽喉」。  
 〔三〇〕玉函、千金翼升麻當歸均作一兩六銖，天門冬作麥門冬。  
 〔三一〕「趣」，成無己本作趨。  
 〔三二〕玉函經，成無己本、仲景全書、千金翼均無「下」字。  
 〔三三〕玉函經「即吐」下有「者」字。  
 〔三四〕玉函經無「今」字。  
 〔三五〕「今」，玉函、千金翼均作「者」字，屬上句讀。

〔三六〕「少陰」以下，玉函、成無己本、仲景全書均析爲另條。

〔三七〕玉函、千金翼均作「脈不還不溼者死」。

〔三八〕玉函、仲景全書、金匱等均作「三兩」。

〔三九〕「以有熱故也」句，玉函、千金翼均作「爲有熱也」。

〔四〇〕玉函經、成無己本均作「復極汗出者，以其人外氣拂鬱」。

〔四一〕「視」，玉函經作「問」。

〔四二〕「卽」，成無己本作「則」。



辨霍亂病脈證並治

三八二 問曰病有霍亂者何。答曰。嘔吐而利。此名霍亂。

三八三 問曰病發熱頭痛。身疼惡寒〔一〕吐利者。此屬何病。答曰。此名霍亂。霍亂自吐下。又利止。復更發熱也。

三八四 傷寒。其脈微瀯者。本是霍亂。今是傷寒。却四五日。至陰經上。轉入陰必利。本嘔下利者。不可治也。欲似大便。而反失氣。仍不利者。此屬陽明也。便必鞭。十三日愈。所以然者。經盡故也。下利後〔三〕當便鞭。〔三〕鞭則能食者愈。今反不能食。到後經中。頗能食。復過一經能食。過之一日當愈。不愈者。不屬陽明也。

三八五 惡寒脈微一作口而復利。利止。亡血也。四逆加人參湯主之。方一。

甘草

二兩

附子

一枚。生。去皮。破八片。

乾薑

半兩

人參

一兩

右四味。以水三升。煮取一升二合。去滓。分溫再服。

三八六 霍亂。頭痛發熱。身疼痛。熱多欲飲水者。五苓散主之。寒多不用水者。

理中丸〔三〕主之。二。

豬苓

去皮

白朮

茯苓

各十  
八銖

桂枝

半兩  
去皮

澤瀉

一兩  
六銖

右五味。爲散。更治之。白飲和。服方寸匕。日三服。多飲煖水。汗出

愈。理中丸〔四〕方下有作湯  
加減法

人參

乾薑

甘草

白朮

各二  
兩

右四味。搗篩。〔五〕蜜和爲丸。如雞子黃許大。以沸湯數合。和一丸。研碎。溫服之。日三四。〔六〕夜二服。腹中未熱。益至三四丸。然不及湯。湯法。以四物依兩數切。用水八升。煮取三升。去滓。溫服一升。日三服。若臍上築者。腎氣動也。去朮。加桂四兩。吐多者。去朮加生薑三兩。下多者。還用朮。悸者。加茯苓二兩。渴欲得水者。加朮。足前成四兩半。腹中痛者。加人參。足前成四兩半。寒者。加乾薑。足前成四兩半。腹滿者。去

三三七 朮。加附子一枚。服湯後。如食頃。飲熱粥一升許。微自溫。勿發揭衣被。吐利止。而身痛不休者。當消息和解其外。宜桂枝湯小和之。方三。

桂枝三兩  
去皮

芍藥三兩

生薑三兩

甘草二兩  
炙

大棗十二枚  
擘

右五味。以水七升。煮取三升。去滓。溫服一升。

三三八 吐利汗出。發熱惡寒。四肢拘急。手足厥冷者。四逆湯主之。方四。

甘草二兩  
炙

乾薑一兩  
半

附子一枚  
生去  
皮破八片

右三味。以水三升。煮取一升二合。去滓。分溫再服。強人可大附子一枚。乾薑三兩。

三八九 既吐且利。小便復利。而大汗出。下利清穀。內寒外熱。脈微欲絕者。四逆湯主之。五。用前第  
四方

三九〇 吐已下斷。汗出而厥。四肢拘急不解。脈微欲絕者。通脈四逆加豬膽湯主之。方六。

甘草二兩。

乾薑三兩。強入。可四兩。

附子大者一枚。生。去皮。破八片。

豬膽汁半合〔七〕

右四味。以水三升。煮取一升二合。去滓。內豬膽汁。分溫再服。其脈即來。無豬膽。以羊膽代之。

三九一 吐利發汗。〔八〕脈平。小煩者。以新虛不勝穀氣故也。

### 校釋

〔一〕「惡寒」下，玉函經有「不復」二字，千金翼方作「而復」。

〔二〕「下利後」以下，玉函經、成無己本均析爲另條。

〔三〕「丸」，玉函、千金翼均作「湯」，成無己本作「員」。

〔四〕玉函作「圓」。

〔五〕「擗篩」下，玉函、成本均有「爲末」二字。

〔六〕玉函、成本作「日三服」。

〔七〕玉函作四合，肘後方作一合。

〔八〕「吐利發汗」句下，發汗吐下後病篇有「後」字。

辨陰陽易差後勞復病脈證并治

三九二

傷寒陰陽易之爲病。其人身體重。少氣。少腹裏急。或引陰中拘攣。熱上衝胸。頭重不欲舉。眼中生花。〔一〕花一作眇。膝脛拘急者。燒禪〔二〕散主之。方一。

婦人中禪。近隱處。取燒作灰。

右一味。水服方寸匕。日三服。小便卽利。陰頭微腫。此爲愈矣。婦人病取男子禪燒服。

三九三

大病差後勞復者。枳實梔子豉湯主之。〔三〕方二。

枳實

三枚

梔子

十四箇

豉

一升

右三味。以清漿水〔四〕七升。空煮取四升。內枳實梔子。煮取二升。下豉。更煮五六沸。去滓。溫分再服。覆令微似汗。若有宿食者。內大黃如博碁子五六枚。〔五〕服之愈。

三九四 傷寒差以後。更發熱。〔六〕小柴胡湯主之。脈浮者。以汗解之。脈沈實

一作者。以下解之。方三。

柴胡 八兩 人參 二兩 黃芩 二兩 甘草 二兩 炙 生薑 二兩

半夏 半升 洗 大棗 十二枚 擘

右七味。以水一斗二升。煮取六升。去滓。再煎取三升。溫服一升。日

三服。

三九五 大病差後。從腰以下有水氣者。牡蠣澤瀉散主之。方四。

牡蠣 蒸 澤瀉 蜀漆 煨水洗 去腥 葶藶子 蒸 商陸根 蒸

海藻 洗去 鹹 栝樓根 各等分

右七味。異擣。下篩爲散。更於〔七〕白中治之。白飲和。服方寸匕。日

三服。小便利。止後服。

三九六 大病差後。喜唾。久不了了。胸上有寒。〔八〕當以丸藥溫之。宜理中丸。

方五。

人參 白朮 甘草炙 乾薑各三兩

右四味。搗篩。蜜和爲丸。如雞子黃許大。以沸湯數合。和一丸。研碎。溫服之。日三服。

三九七 傷寒解後。虛羸少氣。氣逆欲吐〔九〕。竹葉石膏湯主之。方六。

竹葉二把 石膏一升 半夏半斤 麥門冬去心一升 人參二兩〔三〕

甘草二兩 粳米半升

右七味。以水一斗。煮取六升。去滓。內粳米。煮米熟。湯成去米。溫服一升。日三服。

三九八 病人脈已解。〔二〕而日暮微煩。以病新差。人強與穀。脾胃氣尙弱。不能消穀。故令微煩。損穀則愈。

校釋

〔一〕「生花」下，玉函經有「眼胞赤」三字，巢氏病源作「眼内生眵」。眵，母禮切，音米，廣韻：「物入目中也」。

〔二〕「禪，音覽，榜也。」

〔三〕玉函經、成無已本均作「枳實梔子豉湯」。

〔四〕「清漿水」，千金方、千金翼方均作「酢漿」。

〔五〕「五六枚」，千金、外臺並作一枚。

〔六〕「更發熱」下，玉函經、成無已本均有「者」字。

〔七〕「於」，成無已本、仲景全書作「入」。

〔八〕玉函經、成無已本均作「胃上」，無下句「以丸藥」三字。

〔九〕「氣逆欲吐」下，成無已本、仲景全書均有「者」字。

〔一〇〕玉函經、成無已本均作「三兩」。

〔一一〕「病人」，玉函經作「傷寒」。